

程






古今齟畧叙

鹽肇夏禹以貢非以和迨周與民



嘗有禁自



管仲興鹽筴始立法漢武時桑孔之徒為置鹽官五  
權禁然利止西北未遍東南唐第五畸劉晏講明詳  
盡而天下之賦鹽居其半猶官鬻也至宋雍熙令商  
輸芻粟塞下給以鹽端拱中令商輸粟京師給以鹽  
鹽之開中本於宋要其所中可以折糧草贍邊兵可  
以充金幣實官庫無起倩丁夫之擾無艱涉水陸之  
虞官得用而民不告勞商得利而民不笑食誠為濟  
邊足用之良法歟我朝乃以干各省產鹽地設轉



運司六提舉司七鹽課各有額行鹽各有地方每引以二百觔為袋帶耗五觔凡遇開中鹽糧量所在米價貴賤及程途遠近定立則例召商中納每歲收貯歲課存積在官客商執引照支各有次第謂之常股鹽近因邊儲告急增直召商不依資格人到即與支給謂之存積鹽存積與常股遂少商賈待日久而支出難其利微矣欲拯今日之弊足今日之用莫若行漢人官給牢盆之說任民自煮又行宋人轉般之法回船便帶使年存積歲轉般鹽如山積遇有急用即召高于所用處或上憑芻或輸金帛付以凡

照給以見鹽比之舊法當得倍息焉迺余故職鹽也山東古齊地決之于大國之風哉胡徒托諸空言無能見之實事則以視事未三月遽連遭閔凶不得少叅末議因於讀禮餘日掇拾鹽鹺大略以立政必先法古宜民務在準今正須有典而有則然後不愆而不忘第余年來蕭然松石間所謂惟有水晶鹽亦常空其盤中而已資力奚藉何絲盡搜石盡乎姑俟聞見少擴再為九府續貂云


皇明山東都轉運鹽使司文林郎汪碩玉謹識





略

九府 生息 供用 職掌 會計 政令 利弊 法律 徵異 雜攷









古今齏畧一

生息



古史黃帝時宿沙氏號濱老煮海為鹽利，民用魯連  
 子曰宿沙瞿子善煮鹽使煮濱沙雖十宿不能得也  
 按宗志宿沙衛在齊地齊居海濱故多魚鹽之利  
 禹貢青州厥貢鹽絺注鹽斥地所出絺細葛也  
 管子云齊有渠展之鹽燕有遼東之煮注展渠齊地  
 沛水所流入海之處可煮鹽之所也  
 左傳僖公三十年王使周公闞來聘享有昌歎白黑  
 形鹽辭曰國君文定昭也武可畏也則有脩物之嚮



以象其德薦五味羞嘉穀鹽虎形以獻其功告何以嚮之

成公六年晉人謀去故絳居郇瑕氏之地沃饒而近鹽韓獻子對曰不可夫山澤林鹽國之寶也國饒則民驕逸近寶公室乃貧公說從之

呂氏春秋云和之美者大夏之鹽注大夏西澤名貨殖傳猗頓用鹽起師古曰猗頓魯之窮士也鹽監池也於鹽故曰監監音古

宣帝紀云常困於蓮勺鹵中注云蓮香輦勺音灼今在櫟陽縣鹵者鹹池也蓮勺縣有鹽池縱廣十餘里

其鄉人名為鹵中帝微時為人所困辱也

蔡邕從朔方報年月書云幸得無恙遂至徙所自城以而惟青紫鹽也又中郎以江南有勝雪白鹽

續漢書天竺國在月氏東南數千里其國有諸香石蜜胡椒薑黑鹽黃鹽和帝時數遣使貢獻後西域反畔乃絕又後漢天竺國有梁置鹽一名身毒國

南州異物志天竺有水其名恒源一號新陶水特甘香下有鹽水萬國畢仰又云竺國白鹽狀如石英

吳時外國傳天竺國有石鹽白如水精大者破用之又云海州有灣內常出自然白鹽嶧如細石子



每歲以一車輸王國王

西域記西海南有青鹽紫鹽池鹽方寸半食味甚美  
齊地記齊有皮丘坑民煮坑水為鹽色如白石  
劉公幹魯都賦云內有鹽池東西長七十里南北  
里鹽生水內暮取復朝生

三秦記蒲坂出鹽池朝取暮生民爭市之奉絹一疋  
王隱晉書地道記曰入湯口四十三里有石煮以為  
鹽石大者如升小者如拳煮之水竭鹽成蓋蜀火井  
之倫水火相得乃佳矣

水經注平度縣有土山膠水北歷土山注于海、南

土山以北悉鹽坑相承修煮不輟

水經注龍城故姜賴之靈胡之大國也蒲海溢、覆

其國地廣千里皆為鹽而剗堅行人所運畜產皆布

羶卧之掘發其下有火鹽方如巨枕以次相累

水經注河東鹽池之西又有一池謂之女鹽澤東西

二十五里南北二十里

郭璞鹽池賦叙吳都緣海、濱有鹽田相望皆赤鹵

吳民煮以為鹽

述異記鹽田在河東郡有一大澤、中產鹽引水沃  
之則自成號曰鹽四取之無盡不沃則無也又張掖有



鹽池自然生鹽多少隨月增減

九域志叙州金川廟鹽井神也晉太初神姓王井主梅澤梅本夷人見石上有泉飲之鹹遂鑿石百尺煎之成鹽梅死廟祀之

抱朴子作赤鹽法用寒鹽一斛兩泥一斛內鉄器中以火燒之消而成赤鹽

博物志北胡青鹽但以味色浮雜為不同耳

續博物志堯法煮鹽成團為顆質則以顆計之

通典云九原歲貢印成鹽五原貢鹽山四十顆

南史大同中外國有獻鳴鹽枕者

高昌國白鹽如玉為枕入貢

月支恒水下有真鹽色正白如水精梁天監中天竺

王屈多遣長史竺羅以之獻方物云

沈約宋書曰虜至彭城與張楊語送白氊赤鹽

杰公辨高昌國南燒羊山鹽文理粗北燒羊山鹽文

理密月望收之者明徹如冰以氊索煮之可驗

玄中記崑崙山仇池有石鹽石又湯口域有石鹽以

為鹽水竭鹽成

鄯之東龍城之西南地廣千里皆為鹽田行人所經牛馬皆布氊卧為酉陽雜俎



黃鹽安西城北洞中有色如蕪菁華者  
五色鹽出安息國中見異物彙苑

金樓子云胡中有鹽瑩如水精謂之玉華鹽

盧毓冀州論河粟有大鹽崔駰博徒論江陽之鹽

唐會要武德七年長安古城鹽渠水中生鹽色紅白  
而味甘狀如方印

鹽池在安邑西南許慎謂之鹽監長五十一里廣六  
里周一百一十四里從監古聲呂宿曰沈沙煮海謂  
之鹽河東鹽池謂之解鹽今池水東西七十里南北  
十七里紫色澄渟渾而不流水出石鹽自然印成朝

取夕復終無減損惟水暴雨澍井潦奔洑則鹽池用  
耗公私共竭水徑防其淫濫故謂之鹽水亦謂竭水  
山海經所云鹽販之澤也

洛陽記河東鹽池長七十里廣七里水氣紫色有別  
御鹽四面刻如印齒文章字妙不可述

唐鹽州五原有烏池白池瓦池細項池靈州有溫泉  
池兩井池長尾池五泉池紅桃池回樂池弘靜池會  
州有河池三州皆輸米以代鹽成州有井一  
北戶錄恩州有鹽場出紅藍色如絳雪驗之即繇煎  
時染成差可愛也



鄭公虔云琴湖池桃花鹽色如桃花隨月盈縮在張掖西北隋開皇中常進焉一云十五以前鹽甘月半以後鹽苦也

酉陽雜俎昆吾陸鹽周十餘里無水自生米鹽月滿則如積雪味甘月虧則如薄霜味苦月盡則全消白鹽岸有鹽如水晶名君王鹽

荊州記胸臆縣北岸有陽溪、內有鹽井百二十所巴峽一川悉資此鹽周於煮又海鹽水自凝生繖子鹽胸臆今之燕州府萬流驛

水經注縣翼帶鹽井一百所巴川資以自給粒大者

若海鹽池鹽之易煮也

陳藏器云鹽麩子葉如椿生吳蜀山谷子秋熟為穗粒如小豆上有鹽似雪食之酸鹹止渴一名叛奴鹽

蜀人謂之酸桶

鹽酸子肇慶志陽江山林俱有高四五尺葉如苦練秋生白花結子最繁冬即枯死味酸如醋酷日暴能出白鹽因名

四川志長寧治此涌井泉有二脉一鹹一淡取以煎鹽塞其一則皆不流又謂之雌雄井

大寧治北寶原山水出山半石穴相傳有袁氏遂白



鹿至此入洞乃知水鹹報官煮之開井曰白鹿  
大寧之井鹹泉出於山竇有如飛瀑民間分而有之  
雲南楚雄府廣通縣產黑鹽為猴井阿陋井定遠縣  
產黑鹽為異井狼井麗江軍民府產鹽雪盤山有  
井鎮沅府產藤鹽有六井又出金銅鹽劍川州生馬  
蹄鹽

滇中威州遠境內莫蒙寨有河水汲而澆於炭火之  
上煉之則成細鹽凡交易無秤斗以小篋羅計多寡  
量之

粵中之海陽潮陽有荔枝鹽

方寸中央隆起形如張傘因名之曰傘子鹽有不成  
者形亦必方異於常鹽矣

襄沔記草鹽者龍巢山旁有鹽池水色白上生紫菱  
四邊青泥十一年中池左右十餘里草上如霜彌日  
不釋嘗之乃鹽味世謂之鹽花山

沙州記自大嶺北乙沸界屈海西南三百里有  
鹽從潤半寸形似石味甚甜美無忝河東也

益州記越雋煮鹽先燒炭以鹽井水浚炭刮取鹽又  
云越雋汶山有鹽石先以水漬既而煮之取鹽

華陽國志越雋笮夷有鹽池積薪以池水灌而後焚



之成鹽

杜甫鹽井詩鹵中草木白青者官鹽烟官作既有程  
煮鹽烟作川汲井歲捐、出車日連、自公斗三百  
轉致斛六千君子慎上足小人若喧闐我何良嘆嗟  
物理固自然

緯略青池鹽其鹽正方廣半寸其狀踈似石人耕池  
旁地取池沃種之歲月久即生此鹽

又云臨邛有二井一是火井一是鹽井若取鹽井以  
火井煮之斛水得鹽四五斗若非火井煮之不過一  
斗矣

蜀郡志中有鹽井深數丈汲水煮之一斛水得二斗

鹽又邛江有卓王孫井舊常於此井取水煮鹽義熙

十五年治井也

諸葛鹽井有十四自山下皇山上其十三井常空每盛夏水漲  
則鹽池迤還遷去常去於江水之所不及東坡詩曰  
五行水氐鹹安擇江與井如何不相入此意誰復省  
人心固難足物理偶相違猶取嫌未多井上無閑綆  
東坡志林蜀去海遠取鹽於井陵州井最古涪井富  
順鹽亦久矣惟邛州蒲江縣井乃祥符中民王鸞所  
開剝入至厚自慶曆皇祐以來蜀始用筒井用圈办



鑿如筮大深者數十丈以巨竹去節北牡相銜為井以隔橫入深水則鹹泉自上又以竹之差小者出入井中為桶無底而竅其上懸熟皮數寸出入水中自呼吸而啓閉之一筒致水數斗凡筒井皆用機械利之所在人無不知後漢書有水溝此法惟蜀中鉄冶用之大畧似鹽井取水筒太子賢不識妄以意解非也

湧幢小品云蜀鹽出於井之大僅可如竹號曰竹井鑿之五六十丈得澹水至百丈始得鹹鑿甚艱入甚深汲甚若有鉄釭漕刮甬吞筒等制織悉俱備非

廣志鹽多產於海濱海東有印成鹽西方有石子鹽皆生於水北胡有青鹽五原有紫鹽波斯國有白鹽如石子

陽江志鹽有二種澆沙曝日而成名為生鹽熬火成者名為熟鹽而生鹽另一種白如霜雪名為鹽花又名望斗鹽古所謂水晶鹽也但味力稍薄大氏廣不如浙不如淮不如長蘆行鹽之地陽江陽春行凌恩鹽其餘州縣行鹽掣於省城熟鹽出西鄉生鹽出大星

宋時奉天鹵地生水栢以灰一斛得鹽十二斛利倍



醃鹵詔采瓜一斗北鹽一斛論罪出廣西通誌

涼州異物志有戎鹽讚云鹽山二岳兩色為質赤者如丹黑者如漆小大從意鏤之為物作獸辟惡佩之為吉

寧夏近涼地鹽井所出亦謂之紅鹽道家名絳鹽道書又有紫鹽今寧夏甘肅有青黃紅三種生池中西安州即唐鹽州西至流沙六日沙深細沒馬脰無水源但乾沙爾又二日至西海水味不甚鹹中有一顆大者重三四觔其色紅瑩軍中以和食飲泊宅編沈括夢溪筆談鹽之品至多前史所載夷狄間自有

十餘種中國所出亦不減數十種今公私通行者四種一者末鹽海鹽也河北京東淮南兩浙江南東西荆湖南北福建廣南東西十一路食之其次顆鹽解州鹽澤及晉絳路澤所出京畿南京、西陝西河東襄劍等處食之又次井鹽鑿井取之益梓利夔四路食之又次崖鹽生於土崖之間階成鳳等州食之筆談解州鹽澤方百二十里久雨四山之水悉注其中未嘗溢大旱未嘗涸滴色正赤在版泉之下俚俗謂之蚩尤血惟中間有一泉乃是甘泉得此水然後可以聚其比有堯梢梢音消水一謂之巫咸河大滴之



水不得甘泉和之不能成鹽惟巫咸水入則鹽不復  
結故人謂之無鹹河為鹽澤之患築大堤以防之甚  
於備寇盜原其理蓋無鹹乃濁水入澗中則淤澱鹵  
脈鹽遂不成非有他異也

又云解州鹽澤之南秋夏間多大風謂之鹽南風其  
勢發屋拔木幾欲動地然東與南皆不過中條西不  
過席張鋪比不過鳴條縱廣止於數十里之間解鹽  
不得此風不冰蓋大澗之氣相感莫知其然也

解州安邑鹽池廣數舍中有大渠作畦種鹽于渠旁  
畦下結鹽為底厚數尺每日暮引渠水平渠次日味

爽前即有大風起于池上謂之南風天欲明風止畦  
水皆成矣去池數步即無風但聞其聲渠水之源曰  
涌金泉出夏縣界有巫咸山旁谷中來此水能敗池  
鹽故作堤防之南風蓋無日無也

宋史咸平中解州東池水自成鹽僅半池潔白成塊  
晶瑩異常制置使陳克叟獻四千七百觔

太陰玄精出解州鹽澤大澗中溝渠土內得之大者  
如杏葉小者如魚鱗悉皆尖角端正色綠而瑩徹燒  
過則潔白如霜雪一云本鹽根也往々池邊近水取  
之則得其色理如玉質形狀如龜甲黑者不佳黃白



明淨者為上

女鹽池在解州西北味小苦不及大池

紅鹽池在山丹衛產鹽紅色

水南翰記環慶鹽池產鹽皆方塊如骰子色明瑩即所謂水晶鹽也

偶得紺珠云仇池在隴右地方百頃四面斗絕高平地萬二十餘里羊腸蟠道三十六回而山上豐水泉煮土為鹽尤為異事

元氏掖庭記鹽有水晶鹽蒼霜鹽五色鹽

元劉郁西使記過端埽兒城滿山皆鹽如水晶狀

元周達觀真臘風土記醴物國中無禁自真蒲巴澗濱海等處率皆燒山間更有一等石味勝於鹽可琢以成器

華夷風土志瓜哇國青鹽不假煎煮日晒而成

西番火州鹽白者如玉赤者如朱火州即古車師國女直地在開元即今之上京鹽生木枝上亦有鹽井瀛涯勝覽忽魯謨斯國有大山四面出四樣之物一面臨海出鹽人用鉄錐如打石一般鑿起一塊有三百觔者欲用則搗碎為末而食面出紅土如硃一面出白土如粉一面出黃土如姜黃各有所用俱著



人守管他處人取賣云

象胥錄忽魯謨斯在西南海中自古里國十晝夜可至其民富饒山連五色皆是鹽也鑿之鍤為盤碟碗器之類食物就用而不加鹽矣

哈烈去嘉峪關萬三千里產白鹽堅潤如水晶琢磨為器沃以水和肉食

屬賓國撒馬兒罕土產水晶鹽堅明如水晶琢為盤以水濕之可和肉食然則祇以此味按酒亦自不儉太白詩客到但知留一醉盤中惟有水晶鹽卜刺哇國自錫蘭山二十一晝夜至其地廣斥鹵有

鹽池但投樹枝良久撈起凝白鹽其上

大明一統志丹驩蔑有鹹土煮以為鹽齊牛食之甚肥

交州溪洞酋長多收蟻卵鹽為醬非官客親族不得食周禮醢人饋食之豆有蚺蜺子即此

會典永樂三年東南夷滿刺加國其王率妻子來朝貢方物內有番鹽又西戎土魯番諸處貢物有梧桐鱓洮岷等處番僧貢物有青鹽

檢蠹隨筆龜茲有綠鹽大食國貢龍鹽一銀合金幼攷北征錄云次壓虜川水多鹹炊飯色皆變步



作氣息食不下咽次小甘泉有海子頗寬水甚清鹹不可飲中多水鳥胡騎云此名鴛鴦海子疑即鴛鴦漂也次大甘泉有鹽海子出鹽色白潔如水晶疑即所謂水晶鹽也次清水源有鹽池鹽色或青或白軍士皆采食

延綏鎮鹽定邊池生碎金馬湖峪煎熬套虜又有長鹽池產鹽色青置典鹽官紅鹽池產鹽色淺紅套西又有西紅鹽狗池產鹽微腥其鹽根多山形中擬器物

陝西通誌葭州北八十里地出鹽泥名鹽溝東距黃

河西抵沙漠為州北要區陝西山丹衛北五百里池產紅鹽又居延澤傍亦有池產白鹽

雷青日扎廣東皆黑鹽貴州鎮遠民以炭灰為鹽見只編山陝食鹽皆用河東池鹽其鹽以鹽池兩後一日遇東南風則鹽不可勝食矣第海鹽用火煎成為力難池鹽以風凝結為力易然池鹽易壞故舊注云池鹽為鹽之鹽之易壞者池鹽狀如水晶彼中趨盆皆鑄以鐵度易碎耳鹽池志以舜南風解慍為鹽池而作亦所謂想當然耳

仁和縣圖經鹽消出縣東十里煉成朴消又有冬月



自地中湧起消通透光瑩者名霜花亦名劍脊消藥  
中用為玄明粉索雪之屬

珽瑪竇職方外記海水本皆鹽味然亦有不假煎熬  
自凝為鹽塊者近忽魯謨斯處有山五色相間土人  
鑿石鑿器貯食物自生鹹味也

推蓬寤語鹽本煮海而成然有不盡出於海者井山  
池木石種類匪一井則劍南西川凡八百二十里隴  
西、河縣漳縣滇南俱有鹽井山則永康軍之崖沈  
括筆談謂鹽生於土崖之間池則冀之河東又安邑  
廣長俱數十里晉陽雲中鴈門渤海俱有鹽池靈州

有七池慶陽有大小二池會州一池寧夏有二大池  
一小池東牟有鹹泉池五原有四池而石典木則皆  
胡地女貞國鹽生木枝上淳泥蘇祿彭亨暹羅亦有  
鹽海西方鹹地堅且鹹即出石鹽湯口域有石礪鬻以  
為鹽水竭鹽成甘水有石鹽  
今江干近海人稱沙鹵之地曰沙序序東方鹹地鹵  
西方鹹地史記東方食鹽序西方食鹽鹵故說文曰  
東方謂之序西方謂之鹵又天生曰鹵人生曰鹽釋  
名地不生物曰鹵故沙鹵謂之确薄之地今亦通稱斥  
鹵也



西溪叢語元豐初盧東提點兩浙刑獄會朝廷議鹽法秉謂自錢塘縣楊村場上流接睦歙等州與越州錢清場等水勢稍淡以六分為額楊村下接仁和縣湯村為七分鹽官場為八分注海而東為越州餘姚縣石堰場明州慈谿縣鳴鶴場皆九分至岱山昌國又東南為温州雙槎南天富北天富十分著為定數蓋自岱山及二天富皆取海水煉鹽所謂熬波也自鳴鶴西南及湯村則刮鹽以淋鹵以分計之十得六七鹽官湯村用鉄盤故鹽色青白而鹽官鹽色或少黑由曬灰故也湯村及錢清場織竹為盤塗以石灰

故色少黃竹勢不及鉄則黃色為嫩青白為上色黑多鹵或又有泥石不宜久停若石堰以東雖用竹盤而鹽色光白以近海水鹹故耳故後來法雖小變公私所便大抵不易盧法且水性以潤下為鹹其勢不曲折終不可成鹽安邑鹽池以濁河曲折故因終南山南風以成若明越溫杭秀泰滄等州為海水隈奧曲折故可成鹽其數亦不等惟隈奧多處則鹽多故二浙產鹽北甚他路自温州界東南止閩廣鹽并五錢比淮浙賤數倍蓋以東南最逼海潤下之勢既如此故可作而為鹵不必曲折也



又云淋下酒水或以他水雜之但識其舊痕以飯甑  
蓋之於中掠去面上水至舊處元酒盡在所去者皆  
他水或以甑箄隔之亦可以他物則不可分矣此理  
未曉孔融論云弊箄不能救鹽池之酒即此事也鍊  
化術云飲食過後以飯箄竹數條炙之著其中則汁  
便淡  
宋姚寬監台州杜瀆鹽場日以蓮子試酒擇蓮子重  
者用之酒浮三蓮四蓮味重五蓮尤重蓮子取其浮  
而直若二蓮直或一直一橫即味差薄若酒更薄即  
蓮沉於底而煎鹽不成閩中之法以鷄子桃仁試之

滴重則正浮在上鹹淡相半則二物俱沉與此相類  
鹽邑圖經云凡煮鹽俗曰趁海一則謂趁潮可漉一  
則謂趁天晴可也趁海先佃海場一丁其橫九弓  
長倍之開潭貯潮鑿溝築塍為界分場為上中下三  
節近海為下場以潮水時浸不易乘日晒也其中為  
中場以潮至即退夏秋皆恒受日易成鹽也遠於海  
為上場潮小至所不及必擔水灑灌方可晒也  
凡潮汛上半月以十三日為起水至十八日上下半  
月以二十七日為起水初二日止潮各以此六日大  
滿故當潮大三場皆沒自初二十八日已後潮勢日



減先晒上場次晒中場最後下場故上中每月得晒  
二場或僅得其一也

凡晒鹽俗曰曬灰言其土之細如灰也侵曉先合力  
用削刀削反使鬆隨以碌扒碌碎更用篠竿撓使極  
細極平方擔潭中海水以木瓢灑潑如雨使之勻透  
曬至晡時仍以削刀收邊用枝推夾灰成一長埂以  
防夜雨明早仍用翻扒推埂使平更用碌扒碎之篠  
竿潑水夾板堆聚如前盛夏二或三日秋冬四日曬  
方足冬則西北風九勝日曬也  
先此周築土圈如櫃長八九尺濶五六尺高二尺深

三尺名曰溜、傷即開一井深八尺溜底用短木數  
段平鋪木上更鋪細竹數十根復覆以葦冒以草灰  
然後挑取場灰填實溜中用足踏寔再以稻草覆灰  
仍挑潭中海水多潑草上使緩、潛滲入井中成鹹  
鹵可汲煎矣

大約一溜之鹽可得二十餘擔鹵之上者視水百觔  
加重觔三十上鹵沉下次漸在上以石蓮子最重者  
一粒次重一粒又次重一粒擲鹵中驗之上鹵則最  
重者浮否則最重者沉次重者浮也  
煎用大鑊二共中鑊一具鑊遠於火停頓冷鹵使熱



遂添入大鑊取惜薪也俗呼鹵二大鑊為一盪用鹵  
六擔可得鹽百四十觔云大較鹽之盪縮繫乎兩腸  
貴賤視半薪價以上出鹽官誌

東吳九年設場置團、內置鉄盤中有鉄燈心燒紅  
洗滷上而生鹽今不歸團不用盤用鐵鍋煮滷為鹽  
煎鍋五百二十九口見當湖志

煎鹽以鉄盤鑄給於提舉司盤四角楮為一蘆織辦  
欄四旁自子至亥謂之一伏一伏煎六盤、以滷水  
百五十觔煎鹽五石出秦州誌  
煎之、法率以天時為本而成之以人力每歲春夏

間天氣晴明取池滷注盤中煎之盤四角楮為一織  
葦欄盤上週塗以蜃泥自子至亥謂之一伏火凡六  
乾燒鹽六盤、百斤凡六百斤為火引鹽一餘二百  
斤詰旦仍出坑灰攤曬亭場間至申俟鹽花浸入灰  
內仍實灰於坑以取滷其試滷必以石蓮投之滷中  
沉而下者為淡滷浮而橫側者為半澹滷煎之費菹  
薪必浮而主於滷面者乃昏入盤煎之頃刻而就將  
乾仍投以皂角數片鹽始凝結至於積灰則又以年  
久為良滷水清潤出鹽尤多然久旱則潮氣下降上  
燥而鹽不生花久雨則客水浸溢亭場沾濕曬灰反



致銷蝕故以灰取溲必兩暘時若而後鹽始豐若夫  
灑鹽之法其取溲則又有灰淋土淋之殊土淋之法  
以畚鍤起鹹灘土晒乾寔土池中注水取溲如  
灰淋法每竈各砌磚石為大曬池旭日晴霽挽坑井  
所積溲水滲入池中曝之自辰逮申不煩鐮鬻之力  
即可掃鹽以輸官少陰晦則絕無鹽故海埂之場多  
曬鹽而場去斤鹵遠者多火鹽一品以散為上而鹽  
次之出山東鹽誌

產鹽出於煎煮而成每灶十丁夥置鐵淺鍋一面闊  
五尺深一尺五寸濱海水鹹各灶丁每歲預於十二

月間窖冰至春打草積塚在灘二三四月天道晴明  
將灘內鹹土黑色者用耙成鋤鏟浮在地晒乾刮土  
入池以水浸之淋鹵流入池內陸續昏入淺鍋內發  
火燒煎隨乾隨添鹽至滿鍋方止約可得鹽二十斗  
每次約用三日若遇陰雨則點散其鹽不成然試鹵  
之法先以石蓮子投於鹵中如沉而下者則鹵淡浮  
而橫側者則鹵稍淡煎之俱廢草難成必浮而立於  
鹵面者乃可入鍋煮之不但省草鹽且易成煎鹽男  
婦貧窘衝冒風日形容枯槁勞可知矣出長蘆運司  
志



又以海豐等場產鹽出自海水灘晒而成被處有大  
口河一道其源出於海分為五派列於海豐深州海  
盈二場之間河身通東南而遠去先年有福建一人  
來傳此水可以晒鹽今灶戶高浮等於河邊挑脩一  
池隔為大中小三段次第澆水於段內灑之浹辰則  
水乾鹽結如冰其後本場及深州海盈灶戶共五十  
六家見此法比刮土淋煎簡便各於沿河一帶擇方  
便灘地亦挑修為池照前曬鹽共占官地一十二頃  
八十畝所晒鹽斤或上納丁鹽或賣與商人添色雖  
人力造作之工寔天地自然之利但遇陰雨其鹽不

結每年或收三四分或收六七分不常耳  
鹽雖多品不過二類或引池而化或煮海煮升及煮  
鹹而成引池而化者周官所謂監鹽也今謂之顆鹽  
煮海與井與醃而成者周官所謂散鹽也今謂之末  
鹽夫所謂引池為鹽者曰陝西解州解與安邑兩池  
墾地為畦引水沃之水耗而鹽即成藉民給役謂之  
畦戶煮海為鹽者曰京東河北淮南兩浙福建廣南  
凡六路其煮鹽之地曰亭場民曰亭戶或謂之灶戶  
戶有鹽丁歲課入官受錢或折租賦兩浙又後軍士  
煮為煮鹽或鹽或竹有沙泥燒鹽有草灰燒鹽煮井



則川陝四路大為監小為井監則置官井則募士民  
或後衙前主之煮鹺則河東并州永利監凡課鹽未  
鹽皆以五斤為斗其他胡中鹽或出於木或出於石  
而夏鹽則出於池然其色不一或青或白或紅或紫  
或黑其狀有別或熬波或結沙其方言各異東方謂  
之斥西方謂之鹵河內謂之鹹亦白鹺王渾傳甜者  
曰飴又舌以不煉治者曰苦鹽是其味亦不同也

古今鹺畧二

供用

商書說命若作和羹爾惟鹽梅

周禮祭祀共其若鹽散鹽賓客供其形鹽散鹽王之  
膳羞共飴鹽后及世子亦如之凡齋事鬻鹽以待戒  
令注割於地而得者味苦熬其波而出者鹽散積鹵  
而結者其形似虎曰形鹽飴鹽出於石其味甘齋事  
和五味之事也鹽未煉治鬻化以水煉以火也  
西漢志鹽食肴之將酒百藥之長又王莽詔曰天鹽  
食者之將通行有無備民之用也



魏書太宗引崔浩論事語至中夜大悅賜浩縹醪酒  
十斛水晶戎鹽一兩曰朕味卿言若此鹽酒同其味  
也

魏主燾遺宋九種鹽并胡豉云鹽各有宜白鹽魏主  
所食黑者療腹脹氣湯刮取六銖以酒服之胡鹽療  
目痛柔鹽不用食療馬脊創赤鹽駁鹽臭鹽馬齒鹽  
四種並不中食胡豉亦中噉

梁四公記交河之間平磧中掘數尺有末鹽如紅如  
紫色鮮味甘食之止痛更深一丈下有醫珀黑逾純  
漆或大如車輪末而服之攻婦人小腸癥瘕諸疾彼

### 國珍異

袁山松宜都山川記佷山縣東有溫泉大溪夏冬則  
大熱常有霧氣百病久疾入水多愈此泉先出鹽  
本草經云鹵鹽一名寒石味苦治消渴長肌膚去大熱  
除邪氣下毒蟲又云大鹽一名胡鹽戎鹽主明目去  
病益氣穿肌骨去毒蟲

吳氏本草云戎鹽無毒李氏注云大寒生邯鄲西羌  
戎胡出

西溪叢話今俗諺曰如鹽藥言其少而難得本草戎  
鹽却中陳藏器云鹽藥味鹹無毒療赤眼目生海西



南雷州山石如芒硝入口極可傳瘡腫又本草獨自  
州作毒箭惟鹽藥可解戎鹽條中不言恐有脫誤

方書云心病禁鹹脾病禁酸諺曰鹽筋醋力

王霽云君子喜食酸小人喜食鹹

玉咲零音云地以海為賢故水鹹人以腎為海故溺

鹹

元周達觀直臘風土記番婦產後即作熱餅抹之以

鹽納於陰戶凡一晝夜而除之以此產中無病且收

斂常如室女

吳興掌故論尋常食供必設燥餅其餅直甚薄大抵

以鹽水發麵鹹能消人胃氣小兒多食多生痞癖此

京餅餌大率類此故小兒無不病痞者

月令六月六日清晨汲井華水以白鹽淘于水中用

新鍋復煎作鹽擦牙每日擦畢漱吐手心洗眼日々

如此至老夜能細書

又云二月上寅日以鹽啖馬

蔡君謨荔枝譜紅鹽者以鹽梅浸佛桑花為紅漿投

荔枝漬之曝乾色紅而甘酸

范景仁東齋記江南有紅鹽橄欖封高以紅鹽塗其

樹而子自落



近峰聞畧閩人取橄欖以鹽塗樹則自落故東坡有  
紛々紅子落青鹽之句

鄱陽張世南游宦記聞淮南人藏鹽酒蟹凡一器十  
隻以皂莢半挺置其中則經歲不壞世南向侍親至  
至四明鹽白而廉僕輩貪利以箬盛貯邱翁曰塗中  
走酒將若之何授汝一法可煨皂莢一挺置其中則  
無慮矣試之果然

凡炭爆投少鹽即解燭蠟流滲鹽燭心間便止

暖妹由筆硯水慮凍少著鹽可解楊邃菴鎮守陝西  
得此法勝燒酒也

古今齟畧弓三

職掌

周官有監人之稱均之鹽官也但無都轉運司之名  
自唐開元二十二年始以裴耀卿為江淮河南轉運  
使又設轉運院十二兼處置轉運院元和十一年置  
水運使廣明元年因高駢之請改為發運使五代時  
罷巡院置轉運使宋乾德三年初置諸路轉運使命  
文臣權知置轉運使總掌財利太平興國三年初置  
都轉運使咸平二年以鹽鈇判官王子興充轉運使  
四年又加都大發運事大中祥符六年復置制置發



運司元至元十四年設都轉鹽運司

周官鹽人奄二人女鹽二十人奚四十人掌鹽之政令以共百事之鹽鄭注政令謂受入教所處置求者所當得孔疏謂四方鹽茨鹽有數種處置不同故云受入教所處置也

籩人職云朝事之籩其實藎黃白黑形鹽膾脆魚繡注築盤以為虎形玄謂以司尊彝之職參之朝事謂祭宗廟薦血腥之事形鹽之似虎者

漢以大司農丞乘傳舉行天下鹽鈇唐開元二年令將作大匠姜師戶部侍郎強循俱攝御史中丞與諸

道按察使檢校海內鹽鈇之課宋建提點刑獄按使以譏察漕司我朝初差御史給事中各開支鹽課正統元年猶差侍郎巡視長蘆等處私鹽三年始歲差監察御史遂為立制

史記楚漢相持為滎陽軍無糧蕭何轉運關中蜀漢之粟萬艘而下又東漢時轉運山東粟以給中都此有轉運之名而非鹽鈇之任也

漢大司農屬官有幹官有兩長丞有水衡都尉有均輸官皆主鹽事以至郡國鹽官有三十九鴈門沃陽俱有長丞



武帝時以東郭咸陽孔僅為大農丞領鹽鐵事而桑弘羊貴幸咸陽齊之大鬻鹽孔僅南陽大冶皆致產累千金故鄭當時進言之弘羊洛陽賈人之子以心計年十三侍中故三人言利事析秋毫矣孔僅言郡不出鉄者置小鉄官使屬在所縣使僅咸陽乘傳舉行天下鹽鉄作官府除故鹽鉄家富者為吏之益多賈人矣凡鹽官二十有八郡而山東獨居其七

吳地圖云海鹽即故武原有馬嘯城舊為司鹽都尉者是也水經云吳王濞煮海為鹽於此縣也

地志載漢吳王濞以煮海雄視一方濞死而利歸國家會稽一郡即兩浙也而獨海鹽有鹽官此即本郡權鹽之始也

建安初遣謁者僕射監賣鹽於關中

三國置鹽府校尉孫吳置司法都尉權其利

魏有司鹽監丞秩八品

太康池記鹽池在河東安邑縣有司鹽都尉

後周文帝霸政之餘置掌鹽之令四

五國史蜀南陽王連為什邡令轉在廣都所居有績遷司鹽校尉校鹽鉄之利入甚多有裨國用



隋諸心監官秩從七品  
唐置監院業鹽者為亭戶

開元二年以戶部侍郎攝御史中丞檢校海內鹽鉄  
課二十二年自原倉北運浮於渭以寔關中以裴耀  
卿充轉運然轉運尚未攝鹽鉄也

乾元二年茅五琦拜監察御史勾當江淮租庸使兼  
諸道鹽鉄鑄錢使鹽鉄名使自琦始當軍興隨事輒  
辦不益賦而用以饒

大曆中置巡鹽院職捕私鹽充鄆各專其一與揚州  
陳許汴州廬壽白沙涯西角橋浙西宋州泗州嶺南

鄭滑共為十三院以司金郎中兼侍郤史諸道鹽鉄  
使時以劉晏官之此今緝獲私鹽之始也

大曆五年春罷度支轉運常平鹽鉄等使委宰相領  
之時元載既誅魚朝恩上寵任益厚載遂志氣驕溢  
自謂有文武才畧弄權舞智政以賄成也至十年冬  
元載以魏州鹽貴請禁鹽入其境以困之上不許曰  
承嗣負朕百姓何罪

地志唐制以宰相領鹽鉄使居戶部度支三司之上  
職任尤重

德宗時程异由監察御史為揚子院鹽鉄留後



杜中立為義武節度使舊徭車三千乘歲挽鹽海濱民苦之中立置飛雪將數百人具舟以載自是民不勞而運足

唐置十道按察使宋於諸路轉運司置提點刑獄其後詔轉運使兼按察使縣來監司重矣

唐有轉運使之名置轉運院宋以王素為都轉按察使而都轉之名始此

南唐時置鹽鈇院判官歛志古跡有南唐時鹽鈇院昇元二年置海陵鹽監

武林舊志宋太平興國二年錢氏納土是年五月始

置轉運使熙寧七年分浙東西為兩浙路轉運使於杭州置司轉運職本漕輓其後權甚重而鹽課特其一事耳

太平興國四年置嘉興等鹽領海鹽廣陳諸買納場太宗以陳恕為鹽鈇使時帝留意金穀召三司吏李溥等詢以計司利害溥等上七十一事詔以四十四事付有司行之餘下恕等議賜溥等金錢悉補侍禁殿直帝語恕等曰溥等於錢穀利病自幼至長寢處其中必周知之卿等但假以顏色引令剖陳必有所益復賜三司錢百萬募吏能言本司不便者令恕等



量事大小賞之

俞獻卿字諫臣歙人少與兄獻可以文學知名累遷殿中侍御史為三司鹽鈔判官時淮浙鹽不利獻卿更立新法歲增鹽課緡錢甚衆會其兄獻可為鹽鈔副使徙開封判官時陝西兵食不足方擇轉運使宰相連進數人不稱旨因言獻卿名仁宗識其名曰此可以除陝西道轉運使條上邊策甚脩歷戶部度支鹽、副使最後知應天府以刑部侍郎致仕

包極字希仁廬州人為河北都轉運使諸州以公錢貿易積歲所負十餘萬悉奏除之吏民稱頌後官至

教以無因挫政節十四年以右副都御史整理兩淮鹽法至則賑貧灶釐積弊補逃亡清草蕩諸善政不可倭指轉右都御史南京刑部尚書卒謚清惠名臣言行錄贊其直以權奸廉以結主信夫

葉思銘字克新浙江義烏人正統七年以前軍都督府經歷陞任兩淮運同專理掣所事時商人多恃賄賂奸法以規利思銘秦法惟謹每臨掣所防範甚肅有以玩器投者按如法自是芑苴頓絕時耿清惠公為運使與同心協恭不畏強禦後被讒俱逮繫京獄上知其寃釋之耿超陞刑部侍郎思銘復任耿餞于



郊撫其背曰慎勿因一蹶使改舊節思銘後至益勵  
清介羣商悚服然以氣節自負不能善事上官歷官  
六載雖勞績懋著而荐剝不及為遂乞致仕未歸病  
卒其子奉其柩卜葬於楊之保障河旁諸孫蕃衍有  
以進士起家

徽志朱文公熹十世孫曰德中天順丁丑進士歷福  
建都轉運鹽使司運使以廉能稱

咸寧大司徒雍公泰巡鹽兩淮見灶丁貧而鰥者幾  
二千人比及二年具与完室既去淮人咏曰客邊檢  
索渾無硯海上遺民盡有家又曰了却四十兒女願

春風解纜去朝天

成化八年奏准山東濟寧州直抵南京一帶河道兩  
淮巡鹽御史帶管道州直抵濟寧州一帶河道長蘆  
巡鹽御史帶管提督所屬軍衛有司時加疏濬修築  
禁治豪強革除姦弊及督收錢鈔點視驛站緝捕盜  
賊盤檢馬船等項

九年差御史一員巡視河東運司并陝西靈州大小  
二池鹽課其陝西所屬關內關南關西河西慶陽等  
道河南所屬河北汝南河南等道各分巡官帶管鹽  
法者悉聽節制



成化十年修築河東鹽池垣墻置東門以為出入設  
解鹽東場分司於安邑縣路村地界撈辦東場鹽課  
設解鹽西場分司於解州撈辦西場鹽課每歲運司  
輪委佐貳官一員各領該分司印信駐彼量帶官攢  
秤斗及提督巡檢司官兵人等巡視兼捕獲鹽徒修  
理墻垣

弘治二年奏准添設解鹽中場分司并給印信  
徐鵬舉字九霄四川瀘州人縣進士弘治二年任兩  
淮運判先是南工部主事夏英建言運司同知當選  
年壯廉潔士副使判官亦當以進士英俊者為之是

時戶部侍郎李嗣亦云由是鵬舉始以進士除判官  
政理文彩燁然可觀以所部鹽場建立社學延師以  
教灶民子弟作學訓示之清蕩地集通灶亭民安焉  
暇日採文獻興除諸典故創運司志未脫稿陞太僕  
寺丞去凡司事今有可考者皆鵬舉之力也

畢亨字嘉會山東新城人縣進士累官順天府丞弘  
治七年謫運司同知九年陞運司亨為人守量深宏  
才識尤敏司事稱治嘗躬視儀真掣所擇經紀殷厚  
端謹者令以司衡纖毫無敢低昂弊清政舉諸監臨  
御史咸信重焉尤留心學校賓禮賢士勸正誼書院



拔商灶子弟延師講業其中人才多所成就後歷官  
工部尚書

李銳字柳之江西安福人正德十五年以岳州知府  
陞任兩淮運使時鹽政大壞豪猾巨蠹率爭先固利  
銳一以法裁之書牘請託悉謝弗受諸豪譁然競為  
蜚語幸中傷銳殊不為動久之乃稍帖服銳以諸豪  
盤詰日久無非乞餘鹽以規厚利故鹽法沮紊乃召  
商增價自領所割餘鹽轉貨之商咸悅諸奸計遂沮  
卒著為令商通足弊素肅清銳之力也其為人剛勵  
高峻貞毅慎篤約已而怒物滋政精敏絕人而心無

偏主壬午春入覲京師不持一物入京青袍角帶人  
不識其為方面監醜御史先後更數人各持意向銳  
與議侃々不屈不合即移文求去衛守蕭然僅蔽風  
雨篋中唯故時衣物而已司判屠應垣軒挺自許不  
下人至論銳則曰李公心事如青天白日世寡與為  
儷又曰吾司廉吏前有耿公後有李公時人以屠為  
知言

范鎰字平甫遼東瀋陽人繇進士嘉靖十二年以河  
南知府陞任兩淮運使有惠政十五年遷四川叅政  
當行商民遠送塞路有泣下者或念其貧懷金走數



百里贈之總固卻絲毫無所取衆復嘆慨乃相與立  
祠城南肖像祀其中刑部侍郎葉相為之記略云蒞  
政之初適鹽法敝壞公私交病公即以家事治之殫  
畢心力秋毫洞察有至于商不及知者沿海地頻年  
災丁灶困踣於是撫摩若嬰孩賑集轉徙派分逋負  
寬免重役丁灶忻之若更生又是時徵收羨課十倍  
於前期限提迫管鎖逮之商民愁苦公力為寬假使  
魚貫以輸舊時供億多責店主商罰無紀公痛革之  
用惟百一南北冠蓋維揚地者往來旁午交不以幣  
書籍果茗而已公解雖地不輕葺治私居服食粗糲

自安至于興革一政必咨詢精允然後入告憲使諾  
而行之多美意良法商灶有訴折以數言盡得其情  
由是民間訟獄多就以質成三年政洽上下胥服頌  
之曰范來早我人飽范來遲我人饑此可占民情矣  
歷官兵部尚書

鄭漳字世績福建閩縣人嘉靖十六年任兩淮運  
使時值海潮之變漳親詣亭場收諸溺死男婦槥而  
瘞之令諸場使春秋祭以色夫餘鏹與吳焦二御史  
議留羨課數萬金賑之且為築避潮墩于各團埭民  
存歿咸賴焉官至應天府尹



陳文浩福建閩縣人嘉靖二十二年任兩淮運同性  
廉靜慈祥嘗署司篆立秤兌亭於兩墀俾諸商自視  
衡平不使逸入時羣商為飛語所中御史治之幾沒  
鹽二萬餘引文浩從容申救得白察諸場稽課給  
賑及官吏侵漁弊源為畫一法請于御史釐革之銷  
解餘鹽價及諸贓罰羨金六百餘兩帑贖逸金十餘  
兩呈作正額齊侍御深嘉之李運使稱其守官如水  
決事如流咸以為稱情云好施與俸資不足禮過客  
至鬻衣帶供之起家進士歷官久乃遷程蕃知府入  
皆惜之

汪集江西進賢人繇進士嘉靖三十三年任兩淮鹽  
運副使有政績後陞僉事

嘉靖三十年令雲南巡按御史兼理本省鹽法三十  
一年令福建巡按御史兼理鹽法三十三年令四川  
巡按御史兼理鹽法四十四年令廣東巡按御史兼  
理鹽法

包檉芳嘉興人進士隆慶三年以貴州督學副使左  
遷通州分司判官初至數月值海潮大作時范隄自  
石港至馬塘歲久傾圮潮暴入溺眾人畜無筭檉芳  
行勘以為屢年修築海堤皆自新堤直接舊隄以圍



省費然各灶煎燒蕩產在堤外者十有七八若自彭  
家口直接石港迂迴十五六里為費頗多顧築堤本  
以捍衛築之無益雖尺寸當惜苟有益于民生即范  
隄百四十里不為少靳又何憚于十餘里紆迴之地  
乎於是運司申其議遂條築外隄成海民德之議為  
立祠且以比于范文正故堰呼其堤曰包公堤云  
萬曆二年設運判一員駐劄黃崎分司運副移駐水  
口運同移駐泉州專督理泉漳二府鹽務給票抽稅  
每鹽三十觔定稅一錢五分得語涵惠四場除灶戶  
原曬鹽場不課其新漲海灘民間開曬者通行計坵

徵課惠安場歲徵課銀仍舊解部其得語涵每引復  
加二分與給票抽稅及漳浦詔安等縣得語等場新  
設坵稅俱作該省常餉待海上撤兵起解濟邊  
又顯准廣西雇募水手人夫改造中船赴廣東買鹽  
仍添設梧州鹽運司副提舉二員常輪一員齎銀督  
船往來管理公私諸費悉如商販之例買完運梧州  
候桂林船到轉發  
八年裁革福建添設運判一員同知仍駐水口副使  
駐劄黃崎各分司管理鹽法  
萬曆二十七年道內官魯保權兩淮鹽駐揚州郡守



楊公洵因致慨鹽政云今之所急惟是亟召還內使  
罷勿遣然後天下事可得而言矣

天啓間山東都轉運鹽司使為澤州張公聚垣品度  
風雅涖政精明廉以律已和以處衆不激不隨能操  
能縱戊辰入覲應推方面卓異第一人而當事者  
以任子故竟察處罷官知者莫不歎息乃崇禎壬申  
秋戶科呂公黃鐘疏論晉冠有云七月十三日澤州  
太陽鎮被圍原任山東運使張光奎鼓厲鄉勇相持  
八日都司白臣竟駐紮南關恣掠固提遂力不能支  
為賊衆萬餘突入奎與長子茂貞手刃數賊而死云

云至甲戌秋仲奉

旨張光奎一門悍賊忠義可風

贈光祿寺卿廕子恤屬并表揚婦節乙亥初夏部覆

張光奎得

賜祭葬張茂貞等議贈陳氏等各建坊

旌表噫公之忠烈如此使專閫討賊必能成功矣至  
滋蔓難圖哉

崇禎三年八月二十五日吏部題覆廣東提舉司改  
運司并添設巡鹽御史可歲增課三十萬初有旨  
粵東改司行該省叅酌長便乃該省一叅酌便有所  
顧慮而不肯奉行矣

是年十一月二十九日奉

旨運判改作七品張光



宸等分別改選十二月十四日奉  
青運判選用甲  
科

古今齟畧与四

會計

齊太公以齊地負海為鹵少五穀而人民寡乃勸以  
通魚鹽之用而人物輻湊此鹽筴之始也

桓公曰吾何以為國管子對曰唯官山海為可耳公  
曰何為官山海對曰海主之國謹正鹽筴公曰何謂  
正鹽筴對曰十口之家十人食鹽百口之家百人食  
鹽終月大男食鹽五升少半大女食鹽三升少半吾  
子食鹽二升少半此其大曆也齊有渠展之鹽請君  
代菹薪煮水為鹽正而積之公曰諾十月始正至於



正月成鹽三萬六千鍾召管子而問曰安用此鹽而可對曰孟春既至農事且起北海之衆無得聚庸而煮鹽若此則鹽必坐長而十倍公曰善行事奈何對曰請以令糶之梁趙宋衛濮陽彼盡饋食之國也無鹽則腫守圉之國用鹽獨甚公曰嗟乃以令糶之得成金萬一千餘劬

晏嬰曰魚鹽蜃蛤弗加於海之鹽蜃祈望守之秦分天下為四十郡而山東為郡者七賦鹽利二十倍於古

平準書云建元間以東郭咸陽孔僅領鹽鉄事上言

### 樞密副使

彭思永廬陵人兼河北都轉運使時將惰兵驕思永以軍法從事民賴其利後官至戶部侍郎

蔣之奇為河北都轉運使遼使耶律迪道死所過郡守皆再拜致祭之奇曰天子方伯柰何為之屈膝耶奠而不拜後累官知樞密院事

熙寧元年以薛向為江浙荆淮發運使初仁宗時范祥為制置解鹽使以鹽募商旅輸芻粟于陝西竇邊公私便之祥卒以向繼領向請兼以鹽易馬王安石時領群牧主其說請久任向至治平末向坐與種諤



開邊始罷去會淮南轉運使張靖言向壞鹽法且有  
所欺隱帝召向與靖對錢公輔范純仁皆言向罪安  
石排群議抵靖於法以向代之

嘉祐中即發運司專領運鹽事又設提舉官

建提點刑獄按察使以譏察漕司

王賓為河北水陸都轉運鹽使見州兵屯無壁壘分  
寓邸肆賓選隙地築舍二百餘以處之太宗優詔褒  
美

王文正當國薛簡肅為江淮發運入辭公無他語但  
云東南民力竭矣張士遜為江西轉運入辭公但云

朝廷權利至矣兩公之惠民如此

吳處厚為京東運判陞副使時神宗方興鹽鉄居厚  
精心計善鈎稽收羨息錢數百萬

哲宗以鮮于侁為東京轉運使司馬光曰以侁之賢  
不宜使居外齊魯之區彫弊已甚須侁為福星以救  
之耳

劉忠肅責監衡州鹽倉人皆食善鹽且儲其羨以為  
償弊減什七八父老目為學士鹽

政和初置茶鹽提舉紹興五年詔諸路提舉常平併  
入茶鹽司仍以提舉常平茶鹽等公事為名



綦母慮字深之高要人紹興五年領鄉薦歷官淮南  
江浙荆湖路發運司計置官宣和五年轉廣東西路  
提舉茶鹽事再除轉運判官先是朝廷以廣惠潮恩  
四郡鹽課屬之轉運副使鹽戶失業逃亡虧損元豐  
中舊額十一二慮被命奏鹽戶典賣鹽田於稅戶得  
享厚利而鹽田歲額有虧乞令稅戶買町戶鹽田依  
原灶眼送納朝廷是其議命下行之町戶不為豪民  
侵併實自慮始

金章宗時張萬公為山東路安撫使山東連歲旱蝗  
沂密萊莒濰五州尤甚萬公慮民饑盜起乃上言乞

將鹽引赴山東行部於五州給賣納穀易換五州賴  
元以鮮于侁為都轉運鹽使而都轉運鹽名見此  
高源為河間都轉運副使撫治有條灶戶逃者皆復  
業常賦外羨餘幾十萬緡

表州總管張宗顏蒞政廉明擢九江茶鹽使  
至元十四年始置司於揚州三十年悉罷所轄司以  
其屬置場官大德四年復置批驗所于真州采石等  
處

仁宗時武秀以清譽擢為蒙陰令與李校勸農桑民  
受戴如父母遷山東、路都轉運鹽使司去後民為



立石

至元後元年周信臣繇中書叅議陞山東路都轉運鹽使清謹自勵精於簿書經畫綜理簡便節約百度秩然釅政一新買田清河南孺為二坵購地築山為義塚後徵為戶部尚書

至正二十六年以海北廣東道廉訪使萬公義遷轉運使各盡忠誠恢辦大課清慎有聞時論韙之

皇明監官設轉運司者六其該司所轄鹽場兩淮三十處兩浙三十五處長蘆二十四處山東一十九處福建七處河東解鹽東西中三鹽分司其批驗所兩

淮二兩浙四長蘆二山東一設鹽課提舉司者七陝西靈州鹽井三處廣東鹽場一十四處海北鹽場一十五處四州鹽井六十四處計上中下三等雲南四司鹽井共一十五處皆洪武初建置

高皇帝御製文列轉運司於藩臬等暨諸分司各有專印方廣與府印埒運使秩三品同知四品副五品判經俱七品知事八品豈非以重司計故耶

大明會典凡鹽運司官考滿洪武二十六年運司首領官屬官從本衙門正官考覈運司五品以上正佐官別無考覈衙門從都察院考覈吏部覆考永樂八



年奏准運司判官依本司堂上官考覈近例兩淮長  
蘆經具繇赴部咨送都察院考覈吏部覆考其山東  
兩浙福建河東陝西運司俱由布按二司考覈申部  
覆考不送都察院仍各行戶部稽查錢糧明白至日  
蒞落

轉運在唐宋利權無所不握并兼刑名故彀勢甚重  
國朝一一分析銀解藩司米歸漕運而運使獨立鹽  
政

監運司銅印方二寸六分厚五分五厘其經歷司銅  
印方二寸一分厚三分

會典鹽運經歷司有典吏今并印歸之司堂非制矣  
鹽運司運使同知初見御史按察司官上手立對拜  
其副使判官初見御史按察司官中立答拜首領官  
初見行拜禮御史按察司官起身拱手場官初見行  
拜禮御按察使司官坐受拱手

國朝名司置官一準元制兩淮分司三鹽場三十批  
驗鹽引所二監詰私鹽巡檢司二先治泰州即元舊  
司洪武三年同知潘得移建于府城大東門外正統  
六年運司嚴真成化間運使謝燦延詳歐賢正德元  
年運使楊奇等相繼修理弘治間運使畢亨唐錦舟



前後置司外周垣房百餘間召人住居以備防衛嘉  
靖間運使李銳復修於司前三路建三門，上有樓  
東曰賓陽南曰迎薰北曰拱極因知劉璣復修  
長蘆運司志洪武二年置北平河間柳轉運鹽使司  
後改河間長蘆都轉運鹽使司設滄州青州分司二  
統鹽課司二十四批驗所二  
地志 國朝設嘉興松江二轉運分司提調十場之  
鹽課海鹽領其五場內橫浦居于華亭之界西路居  
于海寧之界居本府之境者今惟蘆瀝海沙鮑郎三  
場而已

鄭端簡公今言以建文時改廣東鹽課司為廣東都  
轉運鹽使司

魏觀蒲圻人以徵聘起與劉基宋景濂同謁

高皇帝與語大奇之吳元年改兩淮鹽運使入為起  
居注

平涼太守何士英於永樂間以卓異第一陞兩淮運使  
巡鹽始於永樂十三年差監察御史其後間差侍郎  
及都御史繼乃專差御史而鹽法則隸於按察分司  
焉

宣德十年選差御史一員於直隸揚州府通州狼山



鎮提督軍衛巡司官旗手兵人等巡捕禁單私鹽  
巡鹽監察御史惟揚志以監察御史巡鹽自宣德始  
然間數歲一遣旋復取回其後復以巡河御史兼理  
鹽法而巡鹽之差遂省至正統三年始歲差御史巡  
視淮浙長蘆諸司而河渠由濟寧迤北抵張家灣長  
蘆御史兼理之由濟寧迤南抵南京兩淮御史兼理  
之遂為定制

清理鹽法都御史北統初嘗以戶部侍郎同御史巡  
視兩淮旋復取回自後差都御史或以侍郎兼都御  
史理之至嘉靖凡五六遣焉其後戶科請罷清理極

論不便三事於是都御史罷不復遣

按御史職掌察兩淮鹽策之政令監臨司使平惠商  
灶正統間始兼理河道自醜法水利外凡吏弊官邪  
士風民隱舉得以諏度而糾舉興革為御史任益重  
矣都轉運使之職率寮屬辦職務會計盈縮公聽訟  
獄凡事關鹽策議于同知叅于副使以入白于御史  
而後行判官之職督諸場程課理積逋歲季巡歷次  
計其課之多寡官之勤惰而懲勸之經歷主署文書  
大使副使職催辦批驗引所辦引符防矯偽巡檢司  
序商舶詰私夾上執風紀下供職事 國家十治醜



政視前古不啻密焉是以總其紀綱無專擅之吏明其職掌鮮越俎之嫌夫何法久而寢失其故官備而不唯其人錢穀之司羣疑攸萃使高意畸行者或蟬蛻而弗居任職持正者亦陸沉而弗顯非以利之云乎夫桂椒殊性不受變于酸甜士顧自樹謂何然亦上有以振厲之哉或見揚州志

正統三年令兩淮兩浙長蘆等運司每歲各差御史一員領勅巡視禁約催督鹽課十年令長蘆巡鹽御史兼理山東鹽法李戶部夢陽云國初建轉運司以來嘗差監察御史分督鹽課此于鹽甚重然御史

者以法治而所與奉法者則運司提舉等官今其官非盡慎選夫人情莫不有欲導之以潔然且慮汚况導之以汚又奚所不至乎且歲一遣御史初至于法多不甚解聰察多紛更恬靜多避嫌及少得次第已復更代矣竊未見其可也誠選貞茂通明御史清鹽如清軍三易歲乃代仍簡夙憲重臣一人付便宜之權略倣漢桑弘羊唐劉晏本廟周忱故事令其綆墜剔蠹濬源決流一切不得阻撓運鹽提舉官悉選補廉吏如此而利不與國不足芻餉供億之費不給未之有也語曰智者不鬻常此之謂乎



耿九疇字禹範河南盧氏縣人以進士任禮科給事中  
中正統初大臣言兩淮鹽法之弊因擢為運司同知  
性節儉嚴潔世味澹然遇事公正有執吏胥無敢緣  
為奸豪商勢官不少假容色亦凜然憚之嘗條秦鹽  
法便宜數事皆見允行率著為令後丁母憂服將闋  
場丁數千人詣闕請留乃進運使以十年復任為  
政如同知運司時清操彌厲嘗坐水傍羨水清漪一  
童子曰水清不如使君清也後被讒構逮赴京師  
上知其冤釋之超拜刑部左侍郎是時同知葉思銘  
與九疇同心出政亦在譴及被釋回送別都門諄々

山海天地之藏也皆宜屬少府陛下不私以屬大農  
佐賦願募民自給費因官器作主鹽官典牢盆浮食  
竒名歛擅管山海之貨以致富羨後利細民其沮事  
之議不可勝聽散私鑄鉄器鬻鹽者鈇左趾沒入其  
器物此鹽權之始也

權音角水上  
橫木渡之

食貨志注云牢盆者廩食也古名廩為牢盆煮鹽盆  
也又惟楊志以今有煎鹽官廠即其制

桑弘羊請令遠方各以其物如貴時商賈所轉販者  
為賦而相漙輸置平準於京師都受天下委輸召工  
官治車諸器皆仰給大農大農諸官盡籠天下之貨



物貴即賣之賤則買之如此富商大賈無所牟大利則反本而萬物不得騰踊故抑天下物名曰平準武帝以為然許之

績漢書虞詡為武都太守始列郡鹽石直八千視事三歲鹽石八百

魏畧漢哀帝時民家出鹽一斛以為賦

後魏初弛禁其後鹽官罷立不常自遷鄴後於滄瀛幽青四州傍海煮鹽青州置灶五百四十六計終歲合收錢二十萬九千七百八斛四斗軍國所資得以周贍此置灶之始也

唐第五琦始權鹽以佐軍用及劉晏代之法益精察初歲入錢八十萬緡末年所入逾十倍而人不厭苦計一歲征賦所入總一千二百萬緡而鹽利居其大半以鹽為漕傭自江淮至渭橋率萬斛傭七千緡自淮以北列置巡按擇能吏主之不煩州縣而集事自天寶起兵稅賦不足供費鹽鉄使劉晏以為因民所急而稅之則國用足於是上鹽法輕重之宜始晏鹽利歲總四十萬緡至大曆末六百餘萬緡天下之賦鹽利居半宮闈服御軍餉百官俸祿皆仰給焉僖宗光啓元年夏四月田令孜自兼兩池權鹽使時



上供不至賞賚不時士卒有怨言令收患之先是安邑解縣兩池皆隸鹽鉄中和以來河中節度使王重榮專之歲獻三千車以供國用令收奏復舊制自兼兩池使收其利以贍軍重崇論訴不已上表數令收十罪

五代食鹽錢諸州府除俵散蠶鹽徵錢外每年末鹽界分場務約糶錢一十七萬貫有餘言事者称雖得此錢百姓多犯鹽法請將上件食鹽錢于諸道府計戶每一貫至二百為五等配之晉乃令人逐遍與販俄而鹽貨頃賤去出鹽遠處州縣每斤不過三十掌

事者又称驟改其法奏諸重置稅焉蓋欲絕興販歸利于官場院糶鹽雖多人戶鹽錢又不放免民甚苦之

五代兩稅之外有雜色之賦其目有四一曰鹽錢官據而口給食鹽二曰麵錢給民麵而飲其直歸其麵而三曰脚錢而而每貫出錢五十以備解錢至廣陵而四曰軍衫布者總謂之雜錢亦曰解錢見而歲以鹽于民間博之每足給布紐為稅輸之而代末鹽無以給民直以軍衫布紐為稅輸之見徽郡誌

石晉天福七年十一月復行官賣鹽法先是河南北諸州官自賣海鹽歲收緡錢十七萬又散蠶鹽斂民



錢言事者稱民生私販鹽抵罪者衆不若聽民自販而歲以官所賣錢直歛於民謂之食鹽錢高祖從之俄而鹽價頓賤每斤至十錢至是三司使董遇欲增求羨利而難於驟變前法及重征鹽商過者七錢留賣者十錢由是鹽商殆絕而官復自賣其食鹽錢至今歛之如故

周廣順二年勅令慶州權鹽務今後每青鹽一石依舊抽稅錢八百八十五陌鹽一斗白鹽一石抽稅錢五百八十五陌鹽五斗此外不得別有邀求宋鹽法始用常平倉鹽官自運賣其後令鋪戶衙前

趨場取鹽運赴縣倉交納脚力錢則官給与之計丁給鹽而納錢以充官用東陽志紹興中此歲鹽一百九十三萬二百斤為錢一十萬二千九百四十四貫文

宋初制令商人入芻粟以券至京師支見錢茶香藥犀象等物謂之三税法又間支鹽以代京師見錢權貨務乾德二年置真州開寶三年徙揚州天聖初權貨務在天下者六真州其一建炎初于真州印鈔給賣東南茶鹽以便領真州茶鹽為名雍熙後以用兵乏饋餉令商人輸芻粟塞下增其直



今江淮荆湖給以顆末鹽此招商中鹽之始也  
乾興初解鹽歲計八二十萬緡視天禧中數損十四  
萬請罷之專令兩池入中並邊芻粟上皆從之  
東南鹽利視天下為厚鹽之入官淮南每斤為錢四  
初天禧募人入緡錢粟帛京師及淮浙江南荆湖州  
軍易鹽至乾興元年入錢貨京師總為緡錢百一十  
四萬合通泰鬻鹽歲損所在貯積無幾因罷入粟帛  
令入錢久之積鹽為多明道二年仁宗召近臣與江  
淮制置司同議乃曰鹽在通泰楚海真揚漣水高郵  
貿易者毋得出餘州聽縣鎮毋在鄉村其入錢京師

者增益予之舟物轉運司經畫本錢以償亭戶詔皆  
施行此宋鹽價最輕而便於民食者

國家成化等  
年民間食鹽

每觔不過四五錢與  
此相類今至加倍

仁宗明道二年叅知政事王隨建言轉搬法頗有積  
滯願聽通商三五年使商人入錢京師置折博務於  
揚州使輸錢及粟帛鹽一石受錢二千  
張方平論國計既內云慶曆五年取諸路鹽酒商稅  
歲課比景德會計錄皆增及三數倍以上景德中收  
商稅四百五十餘萬貫慶曆中一千九百七十五萬  
餘貫景德中收酒課四百二十八萬餘貫慶曆中收



一千七百一十萬餘貫景德中收鹽稅課三百五十萬餘貫慶曆中收七百一十五萬餘貫但茶亦有增而不及多耳

元豐初盧秉提點兩浙刑獄會朝廷議鹽法秉謂自錢塘縣楊村場上流接睦歙等州與越州錢清場等水勢稍淡以六分為額楊村下接仁和縣湯村為七分鹽官場為八分並海而東為越州餘姚縣石堰場明州慈谿縣鳴鶴場皆九分至岱山昌國又東南為温州雙穩南天富北天富十分著為定數蓋自岱山及二天富皆取海水煉鹽所謂熬波也自鳴鶴西南

及湯村則刮鹹以淋鹵以分計之十得六七鹽官湯村用鐵盤故鹽色青白而鹽官鹽色或少黑由晒灰故也湯村及錢清場織竹為盤塗以石灰故色少黃竹勢不及鉄則黃色為嫩青白為上色黑多鹵或又有泥石不宜久停若石堰以東雖用竹盤而鹽色光白以近海水鹹故爾後來法雖小變公私所便大抵不易盧法見生息重

舊制授人以鹽而徵錢謂之蠶鹽熙寧五年因漕臣陳知儉言乃罷之第令輸錢七年復詔折以糧者三等戶以下許代錢元祐初乃詔給散初東南歲制即



不散鹽計其數輸價直六分如京東西之制政和三年廬州縣抑民詔淮浙支俵蚕鹽去處依市賣客鹽價其丁口鹽錢亦依上件指揮散納中興後亦不復散鹽而差損民間所納之數

徽誌熙寧十年在城鹽務額二萬七百九十貫二百五十七文太平興國中三司建議以歛接近兩浙界令就般請兩浙鹽每觔為錢五十自宣和末變法歲遣牙校往請之今郡學廊乃故鹽場地或言歛所以輸兩浙運司絹者以鹽故鹽法既變不復般請後招誘商人亦歲二百萬有奇

夢溪筆談鹽有定課歲為錢二百三十萬緡自餘盈虛不常大約歲入二千餘萬緡惟末鹽歲自抄三百萬供河北邊糴其他皆給本處經費而已緣邊糴買仰給於度支者河北則海未鹽河東陝西則顆鹽及蜀茶為多運鹽之法凡行百里陸運斤四錢船運斤一錢以此為率

淮南轉運使蘇頌嘗乞減定淮南鹽價云臣竊聞曩時建言者欲將一路官鹽減價出賣臣以為遠近一槩減價誠未易遽行且於出產地分通秦楚海州連水軍及道商鄰境宿亳壽泗等州減定使公私之價



不甚遼絕則民間樂買者必衆而私販自知利薄而重犯法矣

理宗淳祐間殿中侍御史朱熠上言蜀廣浙數路皆不及淮額之半蓋環海有亭戶有鍋戶有正鹽有浮鹽正鹽出於亭戶歸之公上浮鹽出於鍋戶鬻之商販正鹽居其四浮鹽居其一端平初朝廷不欲浮鹽之利散而歸下於是分置十局以收買浮鹽十數年來鈔法屢更公私俱困真揚通泰四州六十五萬袋之正鹽視音猶又及尚何暇為浮鹽計耶為今之計莫若遵端平之舊式收鍋戶之浮鹽所給鹽本當過

於正鹽之價則人皆與為市却以此鹽售於上江所得鹽息徑輕朝廷有肯從之

宋朝海鹽、八十一萬八千六百九十七石五斗六

升一合五

國朝海鹽、課一萬八千六百七十一引五十六斤一十四兩八錢見鹽官誌

元始祖始行鹽法河間山東平陽四川課稅所四每鹽一引重四百斤歲辦正餘鹽以引計二百五十六萬四千有零

元鹽法其詳不可知東陽續志載有額賣鹽引之數



豈亦官自運賣耶食鹽七千三百九十八引二百二十八  
引見蘭谿誌

太宗庚寅年始行鹽法每鹽一引重四百斤其價銀  
一十兩世祖中統二年減銀為七兩至元十三年既  
取宗而江南之鹽所入尤廣每引改為中統銀九貫  
二十六年增為五十貫元貞丙申每引又增為六十  
五貫至夫己酉至延祐乙卯七年之間累增為一百  
五十貫初每銀一兩折鈔二錠延祐每引賣鈔二錠  
折銀四兩依中統七兩該鈔三錠半泰定乙丑減去  
二十五貫天曆己巳復增為二百五十貫

至元十三年令提舉馬里范張依宋舊例每引重三  
百觔十四年立兩淮都轉運司使每引始改為四百  
觔十六年額辦五十八萬七千六百二十三引十八  
年增為八十萬引二十六年減一十五萬引三十年  
以襄陽民改食揚州鹽又增八千二百引大德八年  
以灶戶艱辛遣官究議停煎五萬餘引大曆二年額  
辦正餘鹽九十五萬七千五百引見惟揚志

鹽法源流 皇明鹽法有戶口支給之鹽有客商中  
賣之鹽蓋商鹽則客商輸粟於邊官給引目支鹽于  
鹽于場任其貨賣然慮其私販之為患也特差御史



一員往來巡視而軍衛有司皆有巡鹽官員鬻鹽所  
在又有巡鹽火甲關津巡檢又專為之盤詰其禁治  
之嚴如此又恐其舊引之影射而為弊也故支鹽出  
場而經過關津鹽引有截角之法賣鹽既畢而住賣  
官司舊引有繳納之例其防範之密如此食鹽則有  
司開具戶口名數令人赴運鹽使司關支回縣而計  
口給散市民官吏則令其納鈔鄉民則令其納米各  
隨所便其後有司以關支搬運之艱故其鹽不復請  
給而納鈔則仍其舊云今官吏每口食鹽食鹽一十二斤市民每口二觔二兩  
五錢每斤納米四升三合一勺二抄五撮其口數之

多寡據籍隨時增損初無定額也

洪武法制之成歲賦之目有五其五曰食鹽之賦文  
獻通考曰食鹽者為雜變之賦

大明一統賦註鹽課歲辦八十五萬八千四引七  
千三百二十五萬五千一百觔鹽糧一百九十九萬  
五千一百二十零一石

國家鹽課大小引目二百二十餘萬解太倉銀百萬  
有奇各鎮銀三十萬有奇閩廣二省課額無多并池  
二鹽撈办亦易長蘆山東價廉課克惟淮鹽居天下  
之別浙次之而皆艱于徵納



今之歲入餘鹽課稅等銀約一百萬三千兩有奇各  
邊中鹽引價約五十六萬七千兩有奇其餘全賦蓋  
五之一云

淮鹽課二百萬可當漕運米值全數次浙次長蘆次  
福次河東總其數與淮相當福場無衙以行無遠地  
河東無場官以出有所專也廣場兼之故巡運俱無  
鹽皆費人力煎煮惟河東以風而成即周官不假煉  
治之鹽

兩淮洪武間歲辦鹽三十五萬二千五百七十六引  
一百斤零弘治間每歲改辦小引鹽七十萬五千一

百八十引內本色常股鹽三十九萬一千八百二十

五引存積鹽二十五萬八百二十九引折色鹽六萬

二千四百八十五引萬曆六年歲辦小引鹽仍七十

萬五千一百八十引內常股鹽四十九萬三千六百

二十六引存積鹽二十一萬一千五百五十四引歲

解太倉餘鹽銀六十萬兩

兩浙洪武間歲辦鹽二十二萬四百五十七引二百

觔零亦於弘治間改辦小引萬曆六年歲辦小引鹽

仍四十四萬四千七百七十九引一百四十九觔內

常股鹽三十一萬一千三百三十八引一百六十四



斤六兩二錢存積鹽一十三萬三千四百三十引一百八十四觔一十一兩八錢歲解太倉餘鹽銀一十四萬兩

長蘆洪武間歲辦鹽六萬三千一百五十三引三百觔零萬曆六年亦仍弘治歲辦小引鹽一十八萬八百八引八十六觔內常股鹽一十二萬六千五百六十五引一百八十八斤三兩三錢存積鹽五萬四千二百四十二引一百五觔一十二兩八錢歲解太倉餘鹽銀一十二萬兩  
山東洪武間歲辦鹽一十四萬三千三百八十七引

一百五十觔零弘治間每歲改辦小引鹽二十八萬四千一百二十四引一百六十二觔內分本色折色二項萬曆六年歲辦小引鹽九萬六千一百一十一引一十九觔五兩九錢內常股鹽八萬六千一百一十一引一十九觔五兩零存積鹽一萬引原小引鹽一百一十一萬引除折布佃地鹽引外實開邊小引鹽三十一萬引現歲解太倉餘鹽銀五萬兩  
福建洪武間歲辦鹽一十萬四千五百七十二引三觔零弘治間歲辦大引鹽一十萬五千三百四十引二百六十五斤八兩九錢內本色鹽四萬七千四百



五十六引二百七十八斤四兩九錢折色鹽五萬七千  
八百八十三引三百八千七斤四兩萬曆六年歲辦  
大引鹽一十萬四千三百四十引二百六十四斤歲  
辦太倉銀二萬二千二百兩一錢泉州軍餉銀二千  
三百四十四兩二錢

河東洪武間歲辦鹽六千八十萬勛弘治間每歲辦  
鹽四十二萬引內常股鹽二十九萬四千引存積鹽  
一十二萬六千引萬曆六年歲辦小引鹽六十二萬  
引歲辦太倉銀四千三百九十五兩九錢宣府鎮銀  
七萬六千七百七十八兩五錢六分大同代府祿糧

銀四萬三千一百十三兩山西布政司抵補民糧銀  
七萬四千二百五十九兩

陝西靈州監課司洪武間靈州歲辦鹽二百八十六  
萬七千四百七斤漳縣歲辦鹽五十一萬五千六百  
七十勛零兩和縣歲辦鹽一十三萬一千五百三十  
勛零弘治間靈漳西歲辦鹽共三百五十一萬四千  
六百七斤零萬曆六年歲辦鹽一千二百五十七萬  
七千六百六十八斤歲辦寧夏鎮年例銀一萬三千  
二百四十二兩延綏鎮年例銀一萬三千七百一十  
四兩三錢四分固原鎮客兵銀二千五十九兩固原



軍門犒賞銀七千一百二十兩四錢四分  
廣東鹽課提舉司洪武間歲辦鹽四萬六千八百五  
十五引一百餘零海北歲辦鹽二萬七千四十引二  
百斤零弘治間廣東與舊額同海北歲辦鹽則一萬  
九千四百八十三引四百九十餘內分本色折色二  
項萬曆六年歲辦廣東小引生鹽三萬二百二十九  
引小引熟鹽三萬四千六百一引海北小引正耗鹽  
一萬二千四百八十六引歲辦太倉銀一萬一千一  
百七十八兩存留本處備用銀四千七百九十兩九  
錢四分  
廣東有生熟鹽曰稱生熟引生引者為生鹽  
場以日晒者用之故熟引者為熟鹽場以燃

柴費用之故  
分課輕重也

四川鹽課提舉司洪武間歲辦與弘治間歲辦上流  
等九井鹽前為一百九十一萬九千五百七十餘零  
後為二百七十九萬四千四十五斤零永通等七井  
鹽前為八十四萬四千七百七十斤後為二百六十  
一萬八千八百四十一餘零郁山井鹽前為二十二  
萬六千八百餘後為七十三萬二千二百八餘零涂  
井井鹽前為一十六萬四千二百斤零後為二十八  
萬七千八百一十五斤雲安場等五井鹽前為二百  
二百一十二萬四千六百二十餘後為二百四十九



萬八千四百九十一觔零通海等三井鹽前為二十  
四萬四千三百三十觔零後為九十三萬一千三百  
三十觔零廣福等三井鹽前為二十二萬四千四百  
七十斤零後為五十五萬六千三百二十五斤華池  
等三井鹽前為二十二萬四千二百二十觔後為六  
十三萬四千五百三十二觔零新羅等二井鹽前為  
七十三萬五千五百斤後為九十九萬五千八百七  
十八斤零富義等一十三井鹽前為一百八十萬八  
千斤後為三百六十七萬九千二百七十二斤零羅泉  
等五井鹽前為三十二萬一千三百斤零後為一百

二十四萬四千一百二十七斤零黃市等二井鹽前  
為六十九萬四千斤後為一百七萬五千六百一斤  
零僊泉井鹽前為三萬八千八百五十斤後為二百  
一十三萬七千六百一十五斤福吳等井鹽課現辦  
如舊額萬曆六年歲辦鹽九百八十六萬一千一百  
四十斤歲辦陝西鎮鹽課銀七萬一千四百六十四  
兩

雲南四提舉司洪武間五井鹽課歲辦二十七萬二  
千一百三十七斤零又折綿布七百二十段  
布每段長一丈  
一尺闊黑鹽井鹽課歲辦五十七萬二千三百四十  
八寸



勦零安寧鹽井鹽課歲辦七十七萬二千六百八十  
勦零白鹽井鹽課歲辦二十一萬七千二百二十斤零弘  
治間五井安寧二司歲辦無定數黑鹽井歲辦六十  
一萬六千三百七十斤黑鹽井歲辦三十三萬四千  
三百一十四斤萬曆六年歲辦鹽一百八十三萬七  
千八百七十七斤五井提舉司綿布每段折銀四分  
五厘歲辦太倉鹽課銀三萬五千五百四十七兩三  
錢七分遇閏課銀三萬八千五百二十八兩九錢七  
分

洪武初定兩淮歲辦鹽數每引四百斤官給工本米

一石兩浙如之後分一引為二引而以四百斤者為  
大引二百斤者為小引名曰改辦小引鹽

二十七年題准河東運司每年課解山西布政司正  
餘鹽內動支四萬三千一百一十六兩八錢徑解大  
同府收貯補給

永樂間議准准鹽每引納米二斗五升或小米四斗  
遇米貴小米亦止二斗五升兩浙同

宣德五年題准山東信陽等場鹽課每二大引折濶  
白綿布一疋運司委官總催運赴登州府交收備遼  
東支用



正統三年議准將陝西靈州官鹽召人中納寧夏馬  
匹凡上馬一匹鹽一百引中馬一匹鹽八十引送總  
兵官收用

七年奏准廣東海北提舉司所屬臨川等六場鹽課  
每一大引折米一石運赴府倉聽支衛官軍俸糧

十年奏准官臺場鹽課照信陽等場例折布

十三年令兩淮運司於各場利便處置立倉囤每年  
以揚州蘇州嘉興三府所屬附近州縣及淮安倉并  
兌軍餘米內量撥收貯凡灶戶若有余鹽送赴該場  
每二百斤為一引給與米一石年終具奏造冊申報

其鹽召商於開平遼東甘肅等處開中不拘資次給  
與兩浙運司及松江嘉興二分司仁和許村等場亦  
准照此例

又奏准將福建浔兩洛三場鹽課共五萬六千八百  
八十三引俱准全折每引折米一斗派納泉州府附  
近永寧衛并福全金門等所倉聽給官軍月糧

十四年令增兩淮存積鹽為四分召商供給邊儲  
景泰元年奏准近場滷丁令於鹽場煎辦鹽課永鄉  
灶戶離場三十里之外者每丁歲出米六石或折收  
價物置立倉庫收貯委官專掌按季查算滷丁代納



鹽數若干照名給與食用

令存積鹽為六分

又令以龍江鹽倉檢校批驗所存積鹽折支南京文武官本色俸每鹽五十斤折米一石

三年令兩淮運司各場灶戶有將諛微糧草不分起運存留願折納餘鹽者每正糧米麥豆五斗

草五色束各折徵鹽一小引

五年令廣東海北二鹽課司灶丁有私煎餘鹽者送本司每引官給米四斗

六年令以張灣鹽倉收積掣客商餘鹽并私鹽給通

州并通州等五衛及附近密雲等六衛官折俸每鹽一百四十勛准米一石

成化六年題准長蘆淮海盈十三場陸路寫遠商人  
不支鹽課定自本年為始每二大引合為四小引折  
潤白布天徵解通州通濟庫交納以備折俸支用

七年令減兩淮存鹽仍為四分常股六分

九年令兩浙巡鹽御史督同分巡分守并還司官清查灶丁其他戶及寡婦鹽課照數開豁以清出多餘  
滷丁項替再有餘丁照例辨課切丁候長成辨鹽俱  
造冊條照仍類造送部自後每十年一次其水御灶



戶每引納工本銀三錢五分解司給散灶丁或年終解部送太倉各邊支用

十九年令浙西場分每正鹽一引折銀七錢浙東折銀五錢解送太倉候餘鹽支盡仍納本色

二十二年增河東歲辦鹽課一十一萬六千引共為四十二萬引

弘治元年奏准兩浙鹽課二十二萬三千三百餘引內除水鄉折銀三萬餘兩實鹽八萬九千七百餘引將解京折價浙西每引原定七錢減為六錢浙東原定五錢者減為三錢五分

又令兩浙水鄉鹽戶每一引納銀六錢煎辦竈丁存積鹽課俱納本色其常股每引折銀三錢候商到支給將價照例於勤煎灶戶余鹽內揮買補課

二年令各場灶丁離場三十里內者全數煎辦三十里外者全准折銀每年十月以裏徵送運司解部其折銀則例每一大引浙西六錢浙東四錢

九年題准將靈州引鹽止收銀給軍自行買馬每引一百道折價銀一十五兩

十二年議准濤洛富國高家港三場鹽多若黑無商中納每一大引折徵銀一錢五分



十五年題准一池鹽引每引增定銀四錢五分載六石東路鹽價發慶陽府西路鹽價發固原州各收貯分解各邊買馬

十六年題准將忠安場鹽七千三百五十二引每引徵銀七分解部各場灶戶濱海諸煎晒者陸續輸官其依不諳者官為收賣付德催給散諳煎者代納鹽

勅

十八年議准辦納鹽課灶丁一丁至三丁者每丁免田七十畝四丁至六丁者每丁免田六十畝七丁至十丁者每丁免田五十畝十一丁至十五丁者每丁

免田四十畝十六丁至十九丁者每丁免田三十畝三二丁者全戶優免

正德元年奏准靈州大池每年增課一萬五千引并

舊課二萬六千二百三十二引小池增三萬引并舊

三萬三千一百五十引共五萬九千三百八十二引

每引納銀二錢五分照鹽一車以六石為則運至場

卸所仍收卧引銀一錢共銀三錢五分俱送慶陽

固原官庫收貯買馬

又奏准四川大寧課少場分不拘年月久近俱徵銀

二兩其餘井場定立上中下三等年分遠近亦作二



等弘治十五年至十八年未開中者每引上場徵銀一兩五錢中場一兩二錢下場九錢弘治十四以前未開中者上場徵銀一兩二錢中場一兩下場六錢商人有願為代納陸續支鹽者照井場年分就於數內每錢減去三分以作商人之利灶戶還鹽或銀不許過所定之數商人亦不得自行選擇其有乾淡珊塌等項許以私南小井幫補煎辦不再徵課三年題准西由信陽登寧行村滄海并固是官臺等八場原折布尺照濤洛等場折銀事例解部四年議准諛省報中人少今後依山價銀不必支商

將附海本色逐年變賣解部

五年題准廣東靖康等二十三場照量鹽場生熟貴賤和中徵價熟鹽場分有徵每一小引徵銀二錢三分無徵收銀一錢生鹽場分有徵每一小引徵銀一錢七分無徵亦收銀一錢責令各官攢照數徵完解  
提舉司

七年題准兩淮水鄉灶丁每歲該辦鹽九千一百四十九引每引納二本銀三錢五分解送運司給散煎辦灶丁令辦納不前每引減舊額徵銀二錢年終運司徵完解部



又奏准永阜等場遷移灶戶丁地鹽課著落佃地人  
每引辨納銀一錢五分

又令寧夏開中兩淮運司本年分鹽課每引定價一  
錢五分不拘糧草取勘時估貴賤道路遠近定立斗  
頭勛重撥納本色不願納本色者兩淮鹽課每引納  
銀四錢五分河東每引三錢聽從各官召商糴買抵  
數  
八年題准將本運司鹽課額辦四十二萬引外召商  
於偏頭等關中納糧草將原派倉場糧州照數扣除  
以補拖欠祿糧之數

又議准雲南安寧鹽井鹽課提舉司折色課銀每引  
徵銀貯庫以備邊軍支用

九年題准運司鹽課年分稍遠者每一小引止納一  
錢二分稍近者止納銀一錢四分道留山東備兵馬  
賑濟等支用

又奏准兩浙鹽每引二百勛許帶餘鹽五十勛連包  
索五十勛共三百勛為一引

十一年令依山鹽課如遇商人報中每一小引折色  
銀一錢二分五釐與附海本色鹽課相兼支給  
十二年題准將上里海口牛田三場附海鹽課六千



六百五十引餘每一引折二小引每引二百斤就於本  
處召商照例每引納銀三錢解部

又題准附海鹽課不必遠方開中就於本省召商中  
賣

十三年議准運司所屬許村等場額徵本色鹽不及  
百觔者照浙東西折鹽官價徵銀解部

四十四年令福建鹽場商人中到引鹽以十分為率  
五分派與福興泉漳四府一州五分派與延建邵汀  
四府各地方行賣

嘉靖元年題准長蘆所轄場分有海灘地一十二頃

八十畝民灶挑修共立灘池以十分為率三分補納  
逃亡額數七分給與各家償其挑修等費

三年議准廣西梧州府所貯鹽利銀每年動支一萬  
五千兩解本司預脩軍餉有餘通融給散 王府祿  
米及官軍人等俸糧

六年議准兩浙運司嘉靖五年以前空額折銀仍令  
解部原徵本色大引折小引鹽聽候照舊開中其嘉  
靖六年以後年分折價小引鹽例諛解京者俱存留  
運司每引定擬價銀四錢戶部遇有邊方奏討與同  
前項原徵本色引鹽陸續開中



又議准兩淮運司餘鹽每二百觔淮南定價八錢淮  
北六錢

七年奏准南京戶部遇運司齎領鹽引額辦之外增  
刷引目兩倍共一百四十四萬道每五十道為一封  
移咨都察院轉行巡鹽御史用印鈐蓋發運司收領  
自嘉靖七年為始照商人客邊報中引目以額鹽總  
數為則如原在邊中正鹽一十引許報中余鹽二千  
引照年分場分配搭淮南每引定銀一兩二錢淮北  
一兩內各除資本銀二錢五分淮南納九錢五分淮  
北納七錢五分俱赴運司上納照數給與引目令其

自行買補免其納賑

八年議准自嘉靖七年為始各邊中正鹽一引到於  
運司令添中餘鹽二引先納引紙價銀六厘行南京  
戶部刷引目二道給與商人正鹽照舊派場納賑關  
支添中二引聽各商自行買補遇所如法秤製每引  
除包索二十斤其餘每二百觔淮南納銀八錢淮北  
納銀六錢支製之後赴司納價解送太倉候各邊支  
用添刷過引自年終通查搭配遇邊商報中若干支  
賣繳到者照正額引目截角解部未支者運司貯庫  
造冊送部查考候次年照數補刷每年贖足一百四



十四萬道以備開中

又議准大池增三萬三千六百二千六引小池增二萬二千四百一十七引每引二引二錢五分卅引銀一錢共一萬九千六百一十五兩送平涼府收貯專備祿糧

又題准雲南鹽引合置流通簿一本每年差人赴部齎領仍赴南京戶部印編歲額無閏五萬六千九百六十五引召商開中巡撫酌量并鹽羨惡定擬價銀收布政司所戶部支用以後倒換文簿并印編引目率以為常一切批文小票悉革不用

九年議准停止添刷引目每鹽一引五百五十觔過所內除正鹽二百八十五觔其餘鹽二百六十五觔每二百觔淮南納銀八錢淮北六錢就令本納完給小票執照發賣談納價銀量其發賣月日限以程期赴運司上納

又顯准青州分司所屬濟民石碑惠民歸化四場離小直沽批驗所寫遠支掣既難鹽課倒塏相維令灶下每鹽一引納銀一錢給商買勤灶餘鹽補數又奏准將潯美場鹽課米每石折銀伍錢加耗修倉銀三分進解泉州貯庫支放



十年題准福建官鹽仍以二百五觔為一引每引一道照色正鹽一引并割出余鹽若干不必給以小票每包許帶餘鹽二引正鹽原價三錢余鹽定價四錢十一年奏准浙東額鹽五萬二千五百六引少鹽多浙西額鹽一十四萬六千四引引多鹽少派場之時於浙西數內改出四萬六千九百七十四引派與浙東疏通鹽法

十三年題准永嘉衝壞沙灘逃亡灶丁折銀鹽課查槩縣民田地池均派色補隨糧徵收發場起解又題准福建運司引鹽照舊例每引二百觔為一袋

帶耗五斤不許以進貢修城等項名色濫加耗鹽四十五斤其正鹽一引止許帶餘鹽二引不許給與小票縱令多帶

十四年題准靈州小鹽池額鹽三千一百零五引專供花馬池一帶脩邊支用其加增鹽三萬引召商開闢中三邊輪流買馬或接濟軍餉支用如遇虜賊臨邊車脚阻礙照舊停止

十五年議准兩淮正餘引鹽照舊五百五十斤為一包內餘鹽二百六十五斤每二百斤淮南原定價銀六錢五分又六十五斤該銀二錢一分零共銀八錢



六分零今減作銀八錢准北原定價銀五錢又六十  
五斤談銀一錢六分零共六錢六分零今減作銀六  
錢此外若有夾帶淮南以一百六十斤淮北以二百  
斤各納銀一兩以懲築打大包姦弊

十六年題准兩浙官商不到之處立為山商鉛山弋  
陽貴谿永豐靖江昌浦江武義東陽義烏湯谿永康  
建德桐廬壽昌慶元宣平縉雲景寧雲和三十縣每  
程一張納銀六錢餘杭富陽臨安新城嘉興秀水嘉  
善崇德桐鄉德清武康諸暨新昌嵊縣奉化泰順青  
田十七縣每程一張納銀四錢三分其餘坐場縣分

容令灶丁肩挑易賣仍修復松江分司令分司官駐  
劄督課

十七年題准長蘆山東支引鹽其正鹽二百五斤外  
加包索二十斤連餘鹽四百五十斤為一包此外夾  
帶照例問發追價入官其餘鹽價銀務酌遠近限以  
月日不許於<sup>未</sup>掣未賣之先逼令稱貸豫納

十九年題准涪州二場鹽未每石俱折銀五錢

二十年題准台州府長亭黃巖杜瀆三場引目一票  
照鹽三百觔納銀九分

二十六年題准天賜場竹箔等處沙場會由八百二



十六頃八十畝餘撥氏灶佃種納銀崇明縣解司遇  
商人應得鹽價每一小引給與銀二錢一分八厘其  
扣存之數解部

二十七年議准河東運司正鹽四十二萬引該銀一  
十三萬四千四百兩除解宣府年例八萬兩外剩餘  
五萬四千四百兩并餘鹽二十萬引折銀六萬四千  
兩共銀一十一萬八千四百兩內除四萬三千一百  
一十六兩八錢徑解大同府浦給代府祿糧其餘七  
萬五千二百八十三兩二錢俱解布政司抵補氏糧  
及通融處補祿糧各王府不得另行奏討徑自支取

二十八年題准餘鹽二百六千五勛在淮南徵銀七  
錢淮北一錢一厘三毫

二十九年題准將高家港等十一場逃移丁鹽四萬  
二千七百三十二引與寧海等八場正支買補小引  
鹽八萬三百三十九引并永阜豐國等場復業灶戶  
鹽一十二萬六千一百一十引定價開遼東山西等  
處

又議准深州海盈場灶戶內除鹽山縣近場一十三  
戶辦納本色其居住直定府衡水縣等戶每引納銀  
一錢利國等一十一場歲辦天津等倉課米每石徵



銀五錢其海盈等一十三場折布鹽價銀舊例七分五厘今減一分各徵完赴司類解

三十年議准兩淮運司除將原額正鹽七十萬五千一百八十引及餘鹽并行開邊報中外自嘉靖三十年為始每包內二百觔令商人照數自行買補與同新舊兩邊正餘鹽數俱作一包赴儀准二所過掣淮南淮北悉納銀解部

又今長蘆山東二運司各除原額正餘鹽連包索共四百五十觔自嘉靖三十年為始每包再加余鹽一百五十觔并加包索一十五觔通共六百一十五斤

照常納價依數派場令商人買補

又題准將給商正鹽二百觔外再加余鹽一百觔連前余鹽五十觔共一百五十觔

三十一年議准行兩淮巡鹽御史轉行運司每年查照原定里分掣過引目出給水程填註期限并商人貫址姓名開申巡鹽移文各該行鹽地方巡按轉行所屬如遇各商運到引鹽即拘令報官賣畢就拘退引截角封送布政司直隸府州按季差人類繳運司交割仍中巡按勾銷但有過限繳不足數即查追提開每年終巡鹽仍通查該繳退引奏行戶部查過不



及原派數目至三十千引之上者將各司府州縣掌印官叅奏問罪

三十二年題准解京割沒銀兩量扣留作為工本將各場灶戶分為上中下三則收買余鹽三十五萬引分派辦納商人每中額鹽二引帶中工本鹽一引照依正鹽定價上納本色糧草

又題准河東鹽引革去余鹽名目定以六十二萬為額除宣大二鎮及各項食鹽照舊起解其餘撥補先年額欠消折等鹽所中銀兩一體解部聽解宣大山西專備主客兵年例支用運司文冊正餘鹽通行

### 歸併

三十三年題准將黑白安五彌沙蘭州舊河尾等井鹽課革去成色虛數尽折收銀其五井提舉司額辦布疋原解大理府搭放官吏俸鈔今將折俸另處補給其漂布每段折銀四分五厘每銀一兩折鹽一引俱作正課及續增新增加辦加閏復開河頭等井每歲共談銀四萬三千三百三十四兩六錢零無閏止該銀四萬五兩六錢零著為定額

三十四年奏准陝西行鹽地方每鹽二百觔為一引每引收銀四錢五分每十引西鹽二分搭配漳鹽八



分一切掛號截角支放禁約巡緝事宜俱聽分守隴  
右道監理其收貯銀兩於年終解送花馬池管糧衙  
門交收專備防秋兵馬支用

三十五年顯准將雲南安寧井原額引鹽摘發琅井  
帶辦八十七灶鹽每引折銀七錢三分輪撥三十六  
灶每灶每月領鹵二百一十桶折納銀一兩六錢八  
分零安寧井實在鹽每引徵銀八錢備邊折色鹽每  
引徵銀一兩實徵鹽課無閏該鹽四萬七千三百八  
十二引一百四十九觔一十四兩九錢共錢三萬五  
千七百一十九兩一錢三分零通閏該鹽五萬一千

三百三十一引六十二觔六兩零共銀三萬八千七  
百六十兩七錢零俱解太倉并新開石門閏三井鹽  
課本提舉司照舊徵納

又題准將二池鹽每引定價四錢鹽八石額課新增  
三七掣支餘鹽銀二錢五分收納

三十七年議准工本鹽每引淮南七錢減銀二錢淮  
北五錢一厘三毫五絲減銀一錢五分免其官買鹽  
勛令商自向各場小灶買鹽赴掣其扣買收買工本  
割沒銀照舊解部仍要每單淮南六萬六千引外加  
三萬四千引為一單淮北三萬四千引外加一萬六



千引為一單每年淮南四單淮北三單務期一年掣盡

又議准四川鹽課從引定銀大寧等照舊每引折銀二兩雲安等一十四場每引折銀七錢五分四厘三毫五絲綿州等三十四州縣丁井漸添量為增額仁壽等九縣丁井亡耗量為減額簡州一十六州縣丁井額課照舊通計五十七州縣一所一場共鹽八萬九千三百六千三引一劬實徵銀六萬九千一百七十二兩四分六厘尚少額鹽三千三十九引一百一十九劬該銀二千二百九十一兩九錢五分四厘查

有布政司歲收商鹽小票稅銀抵補候查新井新丁照額派補其閩課原非部額逋負尚多各場暫免派徵所少王府食鹽亦於鹽稅銀內支補其有餘剩與正課一同解部

三十九年奏准長蘆鹽運司利民等場官鹽引目按各府州縣里數分別等則上則順天府屬四萬八千三十四引保定府一萬二千六十七引順德府八千五百五十九引大名府三萬八百八十三引彰德府一萬五千六百七十四引衛輝府一萬八百七十八引中則河間府一萬四千八百七十七引真定府一



萬四千三百一引廣平府八千二百八十一引下則  
永平府三千九百一十八引通行發賣各該官司置  
立循環文簿登記賣過引鹽并水程期限按季送巡

鹽御史遺考

四十年題准儀淮二批驗所各商米掣鹽一百五十  
一萬三千二百二十一引計淮南十八單淮北六單  
所載共該餘鹽一百一萬一千一百三十六兩一錢  
委官盡行改捆掣每引五百五十觔若多五觔以  
下照常割沒五觔之上照夾帶問擬大約每單實解  
出餘鹽一萬一千九百一十引一百七十觔折算級

作正鹽配引附掣照例徵納餘鹽銀兩項補逃止定  
額無徵之數

四十四年題准工本鹽雖有報納而正鹽未免停積  
且商灶俱困將工本鹽三十五萬引盡行革去止解  
餘鹽銀六十萬兩

又議准正餘鹽每色正許五百六十一斤正鹽二百  
八十五觔余鹽二百七十五觔南所納銀三錢九分  
七厘五毫北所四錢三分七厘此外多至二十觔者  
納銀一錢百觔以外問徒沒鹽入官二十觔以上查  
例發遣



隆慶元年議准長蘆運司并二十四場官吏本色俸  
給共銀六百餘兩于各場應納灘價并鹽商腳價銀  
內支用河間府免行編派  
又令長蘆鹽運司歲增五萬引每引納銀二錢五分  
聽商自行收買

又題准將大小二池納價余鹽等銀五錢二分以四  
錢作引價一錢二分作引商人上納准浙鹽一千  
引准配池鹽一百引小池鹽于西路發者仍照舊例  
納半底銀一錢五分解固原州聽軍門犒賞其餘引  
價解慶陽府聽延寧二鎮客兵支用

又議准西和縣原開鹽井一眼漳縣舊開鹽井四眼  
又有新井各商獲利爭報令每百筋納二錢九分  
二年議准河鹽引價著引為三等分撥見引淮南定  
銀九錢准北定銀八錢分撥起紙關引淮南八錢准  
北七錢分撥到司勘合淮南七錢准北六錢若邊商  
賚執倉鈔勘合到運司責令內商照依原定價則收  
買以便即日回還不得措勒由難仍將內商的名報  
出造冊在官如遇支鹽到橋頂壩行令白塔河安東  
壩各巡檢驗放鹽船如該掣鹽一百引方許造單如  
無新引不許過橋入單著為定例



二年題准官臺等十一場折布鹽課給票納銀事例  
詳查灶戶貧富分別上中下三等除額辦正課外每  
年上丁納銀二錢中丁一錢下丁五分其票戶各熟  
三張以使行鹽地方發賣

四年題准買補鹽四萬引量停三萬引開邊官臺等  
十一場省行運司每票以六百斤為率除正課外另  
票銀一錢其支運賣鹽等項悉聽巡鹽御史督令各  
衙門查考

又議准河東運司將延安府地方改食池鹽邠永汧  
隴麟遊五處仍食解鹽石商中納起運蒲洛二關掣

賣扣定遼東徵數餘俱解部共遠逃地銀四千三百  
六十一兩見在地銀八千八百十九兩行濱膠二分  
司濟青登萊四府委官催徵近逃地銀六百四十八  
兩根究得業人照數辦納

又題准舊例凡行鹽地方各五鹽場廣西則梧州廣  
東則肇慶南雄清遠商人投稅者每正鹽一引收銀  
五分餘鹽每引收銀一錢後每正引一道准照余鹽  
四引納軍餉銀四錢五分從又准照餘鹽六引納銀  
六錢五分再有夾帶謂之自首每引抽銀二錢商價  
通融足支兵餉令諛省巡撫查理疏通有勢豪阻撓



奸商作弊參奏處治

又題准將西漳三縣課銀每年二千余兩改解蘭州收貯專備臨鞏兵脩固原二道客兵支用

又年題准濟青鹽價頗高票定銀一錢五分登萊鹽價甚賤票定七分每季終該府解司濟邊

五年題准花馬池大小二池鹽每引照鹽八石四倍

河東令各商報納每引增銀一錢二分其臥引銀一錢二分西路斗底銀一錢五分共增課七千有奇

六年題准張家灣批驗所舊以商人運到引鹽每一十引抽鹽一觔放支做工軍後前鹽議免止每十引

割收銀五厘解部該所見設官吏三員裁革

萬曆三年題准將上里海口牛田附海本色每引納銀三錢差官解部

五年題准將定邊道庫貯鹽大池者解延綏小池者解寧夏其新增延安府課銀三千二百二十一兩原議解河東運司就近改解延綏即將該鎮應發主兵銀扣補宣府抵河東額課

七年議准淮揚二府逼近鹽場州縣聽其以米易鹽止許肩挑背負不許多捆大包其二府所屬原派官鹽一千引者止派五百引五百引者止派三百引責



令各州縣僉選殷實鋪戶赴儀准二所架下分買掣  
過單鹽運往折賣鹽盡仍將鋪戶領過引目繳報  
八年額准廣西每年于廣東運鹽五萬四千四百五十  
四包每包用工價銀四錢一分九厘湖廣衡永二府  
價隨時高下每發官鹽一包計搭商鹽一包同賣一  
歲一運可得鹽利銀一萬五千餘兩著為定例  
雲南巡按吳奏鹽課支費無存協濟萬難措處查得  
本省鹽課銀該三萬五千五百四十七兩自萬曆十  
一年以來兩院由題與脩邊稅銀三萬六千九十七  
兩相兼湊濟近來增設兵餉新舊歲支共銀一十三

萬四千九百四十兩四錢如十九年有緬酋之叛二  
十四年有猛廷瑞之叛三十五年有鳳克之叛三十  
八年有多安民之叛此皆載在軍書歷、可稽也緬  
事息則設騰隴八關等營猛酋息則設順義等營阿  
克息則設忠勇廣武等營此又皆載在天藉歷、可  
按也

平湖乍後二所每年各限鹽一千二百勛船四隻于  
萬曆三十六年九月內奉本府帖開一宗懇全鹽課  
事蒙水利道詳議折價將各軍名糧內扣貯府庫本  
縣額限船鹽豁免



三十九年議准山東鹽法上則直隸徐蘇二州沛碭  
二縣兗州府所屬滋陽等州縣共誅鹽九萬八千二  
百五十引一十九斤五兩零中則東昌府所屬該鹽  
二萬二千四百引下則濟南府所屬該鹽五千五百  
六十引官置循環文簿逐月登記發過引鹽水程按  
季查銷其青登萊三府官臺等十一場除歲辦額課  
正數外運司印刷小票送巡鹽御史掛號各場收掌  
聽各灶丁納銀一錢五分給票一張照一引記五百  
斤編定地里等則發賣每票收牙稅銀一分  
兩淮運司鹽法事宜內一款云余鹽銀兩淮北掣鹽

每引以五百五十斤為則內除正鹽并包索共二百  
八十五觔在邊上納糧草外餘鹽二百陸十五觔淮  
納銀七錢淮北納銀五錢一厘二毫五絲此外多餘  
割沒入官五觔之內積算淮南每一百六十斤納銀  
一兩淮北每二百斤納銀一兩伍斤之外即照夾帶  
問罪每觔納銀一分併入余鹽銀內每年儀真所掣  
鹽八單每單捌萬五千引約誅余鹽割沒等銀六萬  
餘兩單共約銀四十八萬餘兩而淮安所掣鹽四單  
每單五萬伍千引約銀三萬餘兩四單共約余鹽割  
沒等銀一十二萬餘兩南北通計得銀六十萬兩分



為春秋二次起解每次三十萬兩掣完該所填入余  
鹽內外號簿并連引目解司聽候呈詳定委五二分  
司官一員該吏一名領解徵銀完日方將引給各商  
領回發賣

秦州志儀真批驗所掣鹽定規每一年以八單為率  
每單該鹽七萬引每引該細打小鹽包七十箇每一  
單該用小包五百萬計原定稅銀每包索一萬該稅  
銀一錢三分五厘共該稅銀七十余兩計八單該銀  
五百六十兩其地租每鹽一十引銀五錢計一單該  
銀二十五兩每年該銀二百八十兩

東誌存積常股云正德五年令長蘆山東運司每歲  
額辦鹽課以十分為率八分給與守支客商二分另  
為收積在官候邊方緊急糧儲召中以所積見鹽人  
到即支謂之存積其價則重其八分年終換次給守  
支客商謂之常股其價則輕例以鹽課冊內備開二  
項數目限以定期出給通關送繳山東運司以次年  
二月終為率若有過期不銷及虛出捏送查坐以罪  
其常股鹽每年依期將見在商人挨次量高低場分  
派搭對驗引目赴場關支備將商名貫址勘合字號  
米鹽數目搭派場分造冊繳部年終仍將支放過商



名鹽數額總造冊送部查考

山東灶戶舊例每十年編審而分司官遍歷各場督率官攢僉報戶丁以三等九則辦課其間最殷實者充總秤即有司間之里長也稍次者充鑊頭即有司間之甲首也若灶地則每五十畝折人一丁辦鹽二引一十四斤八兩皆以藉為定

肇慶鹽出陽江瀨海先年設有隻恩鹹水二場今灶丁日減課額日虧裁出鹹水場歸併隻恩舊課千余今清裁止六百課而官吏布置如故汰冗議恤亦目

古用斛收鹽貯厥爰商後用秤法三百觔為一引給商今俱改折別行官票小民肩挑發賣以為食鹽見平湖縣誌

山東運使張光奎看得本司原額鹽課一十五萬引以充邊儲近目遼左之急新增餉鹽六萬引及查行鹽地方山東雖云六府食引鹽者止充東二府濟南僅十一州縣而青登萊三府俱食票鹽行票者已經加增票課無容再議行引者舊引尚多壅滯况復新增此王貞泰等所以有疏滯甦商之告而各州縣方以引滯之故凜、虞參罰為今欲碩邊而商苦於股



脂欲碩商而邊窮於枵腹事在兩難法求兼濟合無  
鹽而不增引將所增之鹽推加於舊引之包內減引  
而不加課將所增之課推加於舊引之課內其便有  
五鹽課已贏引目仍縮則銷支便引不停壅官免省  
責則考成便春築色重夾帶難容則稽察便鹽色不  
增脚價可省則輸運便引不留行課無逋負則軍需  
便仰不格恤伍之新 綸俯可蘇疲商之夙苦雖非  
行法之經亦通法之變矣相應呈請伏候上裁轉請  
施行



程